

Politica

*Orichovii Stanislai: Fidelis subditus
sive de institutione regia ad Sigis-
mundum Augustum libris dec.*

Crac. in off. Lazari 1584.

Biblioteka Jagiellońska.



V. a. 23.

v. a. 23.

STANISLAI
ORICHOVII
ROXOLANI
FIDELIS SVBDITVS.

Sive

DE INSTITVTIONE REGIA
ad Sigismundum Augustum

Libri duo.

*Cum praefatione Iacobi Gorscij ; ad Serenissimum
Regem Poloniae, Stephanum
Bathorrhœum.*



*Bibliotheca Collegii
Majoris Universitatis
Cracoviensis.*

CRACOVIAE.

In Officina LAZARI: Anno Domini,

M. D. LXXXIII.



4484 -

CIMELIA

P. V. 53a

2577 Prawo.

AD SERENISSIMUM
REGEM POLONIAE,

STEPHANVM BATHORRHEVM

In Fidelem Subditum

IACOBI GORSII PRAEFATIO.



PRINCEPS ILLE HE-
truriae Mæcenæ, à quo eruditorum
virorum literarumq; patroni, Mæce-
nates, prouerbiali sermone, appellan-
tur, Serenissime Rex Stephane, Cæ-
sari Octauiano, qui à Senatu Augustus appellatus
est, rerum potito, & de summa imperij deliberanti, &
Rempub. ut tum Agrippa suadebat, Senatui & po-
pulo Romano reddere volenti, ut, quòd ipse imperium
tot, tantisq; bellis, magno cum labore, plurimisq; &
suis, & suorum periculis liberasset, atq; ab interitu
vindicasset, perpetuò retineret, autor fuit: idq; ei splē-
dida sanè & copiosa oratione suavit, quòd rem Roma-
nam, alia ratione nequaquam subsistere posse cerne-
ret: propterea quòd prudens ille vir, nunquã de futu-
ros in tanto imperio videret, qui vel ambitione impe-
randi, ad seditiones excitandas, incitarentur, vel o-
dio aduersariorũ & vlciscendi cupiditate, victores ad

A 2

arma

BIBLIOTECA



JAGIELLOVICZ

Cim. Qu. 4484

arma raperentur, qui bella è bellis sererent, ac in ma-
 lum Reipub. & disertis, & strenuis essent. Cui morbo
 quoniam nulla alia medicina mederi posse videretur,
 præterquam si vnus totius imperij potestatem habe-
 ret; eam potestatem, vt ipse Cæsar, qui tot, tantaq; bel-
 la pro patria gesserit, qui orbi terrarum pacem reddi-
 derit, vt retineret, hortatus est. Cuius consilium, cum
 Augustus approbasset, & semel acceptum imperium,
 retenturum se promississet, & rationes tanti imperij, ab
 vno gubernandi demonstrari sibi postularret; Mæcenas
 pro suo, & erga Cæsarem amicum, singulari, & erga
 patriam amore communi, ea consilia & rationes
 Reipub. constituendæ illi demonstrauit; vt in ea eius
 Monarchia, nemo libertatem eam, in qua natus esset,
 desideraret; et ille optimi principis & patris patriæ
 cognomentum consequeretur. Inter quæ quidem Mæ-
 cenatis consilia, quæ Augusto dederat, illud etiam
 erat; ne cuiquam facultatem se aduendi, consiliumq;
 ei aliqua in re dare volenti denegaret. Cuius consilij
 eam rationem reddebat. Quod, si verba eius, qui con-
 silium daturus veniret, satis sibi facerent, ac consili-
 um illud vtile videretur; magnum fructum, non exi-
 guamq; vtilitatem inde caperet: sin verò leuè esset;
 iacturam tamen ille nullam inde sentiret. & pro-
 pterea monebat, vt & bene consulentem honore affi-
 ceret, &

ceret, & eum, qui minus aptè diceret, non reprehē-
 deret; quod mens cuiusq; in consilio dando, non euen-
 tus rerum spectandi sint. Cuius rei Demostenes etiam
 ille omnium Græcorum summus Orator suos Athe-
 nienses monere solebat, omnibusq; consulendi de Re-
 pub. potestatem dandam esse suadebat; vt è multorum
 multis consilijs, quod optimum esset, deligendi facul-
 tas ciuitati esset. Et equidem sæpè fit, vt qui videre
 nihil videantur, eos optimè pro tempore consulere vi-
 deamus: et quod maximis viris in mentem cogitare
 non veniat, à vulgi aliquo depromatur, adeò, vt &
 cerdo aliquando, loqui opportunè, prouerbio satis tri-
 to, dicatur. Quod Mæcenas, cum sæpè fieri accidere
 non ignoraret, inter cætera gubernandi imperij con-
 silia recta, Cæsari hoc ipsum suadebat; vt facultatem
 cuique ad se accedendi, & verba apud se faciendi, da-
 ret. Quod equidem Serenissime Rex Stephane, vt tu
 item facias, exhortari te non est opus: sponte tua id
 facis: omnibus te facilem præbes: nemini nostrum po-
 testatem te aduendi, & verba apud te liberè facien-
 di, denegas. Augustum alterum te principem experi-
 mur: nec sanctiorem, nec benigniorem vnquam in
 hoc regno Regem cognouimus. Duas plurimum à se
 distantes virtutes in te admiramur; sæueritatem, &
 comitatè. Sæueritas tua, & grauitas, imperio digna,
 A 3 vt te

vt te veneremur: comitas vt amemus, facit. Sæueritas enim cum grauitate, vitæq; sanctitate, Maiestatem Principum sustentat: Comitas, atq; humanitas, amoris parentes sunt. quas quidem virtutes, qui coniunxerit, ac in præsidium aduocauerit princeps; optimè imperio suo consulit, seq; securum omnes in partes reddit. Nam vt sæueritas contemni, ac negligi se non patitur; ita comitas, atq; benignitas omnes in sui amorem rapit, amicosq; efficit. Quibus virtutibus, quod te serenissime Rex munieris, easq; Regni tui comites tibi adsciueris; firma præsidia tibi adhibuisti. His præsidijs munitus, & hostilem animum frangis; & tuorum Ciuium, summum amorem erga te excitas. Hoc idem Augustus Cæsar fecit: hæc eadem præsidia, retento imperio, sibi adsciuit; atq; id effecit, vt nemo illi aduersari auderet, omnes parerent, omnes amarent. His artibus ille, & hostes reprimebat, & ciues in officio continebat, & inimicos, vt amici essent, efficiebat: Et ita in omnibus præcisset, vt tamen vnus ex omnibus esse videretur. Hoc quoniã tibi Serenissime Rex contigit, quoniam easdem ipsas artes, ad gubernandum hoc Regnum attulisti; & tibi multum gratulamur, & nobis gaudemus, conditionemq; nostram laudamus, Deoq; gratias agimus, qui nobis, tantis tamq; præclaris virtutibus instructum Regem dederit.

dederit. Quod equidem ego à primo tuo in hoc Regnum ingressu, cum semper sentirem, publiceq; apud omnes, & voce, & scriptis (atq; haud sciam, an non etiam vsq; ad inuidiam) testari solitus essem; Tum verò, vt nunc, hoc cum maiore fiducia, & animo præsentiore faciam, huius quem in consilium Serenitatis vestrae adduco, Stanislai Orichovij Roxolani, viri, in hoc Regno, cum ob nobilitatem, splendoremq; generis, tum verò ob ingenij magnitudinem, eruditionis copiam, & dicendi vim Demosteneam celeberrimum, auctoritas me confirmauit. Cum enim, inter cætera eius scripta, quæ ille, vel excussa, atq; in publicum data, vel domi pressa, amicisq; tantum communicata reliquit, eum librum, in quo Regem Regno vtilem informat, ac quibus artibus regnum, apud Regem Sigismundum Augustum, gubernandum fuerit, differit, quemq; librũ ille, Fidelem Subditum, siue De institutione Regia inscripsit, reuoluo; inueni planè omnes illas virtutes, omnes illas artes, quibus Regem optimum, instructum, ad gubernacula accedentem, institutum, & instructum oportere ille voluit, in te, Serenissime Rex Stephane, non solum lucere, verum etiam elucere, contraq; nullius eius vicij, quod Regem vitare suadeat, ne vestigium quidem apperere. Vt equidem, dum Orichovius, quem animo conceperat
princi-

principem, quasi vero colore dicendi sua copia depingeret, natura, te talem conformare Regem voluisse, credam. Vt quod Orichovius verbis, illa re ipsa effingeret, optimiq; Regis te viuum exemplum nobis proponeret: & ideam illam, quam animo comprehensam egregij Regis Orichovius teneret; in te inclusam, & ad viuum expressam oculis nostris subijceret. Quod si Orichovius hanc istam ideam optimi principis in te re ipsa cerneret; quantum exclamaret? quas ille Deo gratias ageret? quod, quam ille animo formam boni principis concepisset, re ipsa te talem Regem suum contueretur. Ac si illi de Regis officio deinceps differendum esset, te nobis exemplum eius, omnibus numeris absolutum, monstraret: ac neq; Xenophontem in suo Cyro eam formam optimi principis expressisse, quam in te reluceat expressa, diceret. Viueres Orichovi, viueres: non tibi nunc materia scribendi, non virtutes, resq; praeclare gestae, tua illa diuina dicendi facultate celebrandae, deesset. Solebat, Serenissime Rex, Orichovius, & virtutes insignes admirari, & vicia acerrimè impugnare, liberè apud principes viros de officio cuiusq; & de Reipub. diserebat. Magnus hic vir libertatis Polonorum propugnator erat, officijq; ab omni ordine diligens exactor. Quod cum alia eius scripta, tum verò hic, cum quo
ad te

ad te Serenissime Rex venio, fidelis subditus (cui, ut facultatem apud te, sua explicanti consilia Regni huius gubernandi, ut soles, benignè praestes, cum ipso Mæcenate rogo) clare demonstrat: & equidem ab hoc multi de libertate Reipub. disputare liberius didicerunt: in qua tuenda tamen Orichovius, modum tenendum esse voluit. Solebat enim ille, illud Poëtæ sæpè usurpare:

Est modus in rebus, sunt certi deniq; fines,

Quos citra, vltraque nequit consistere rectum.

Vera igitur illa & legitima, omnibus communis et par libertas ab eo defendebatur: non in vno ordine, non intra paucorum domos eam concludebat; totius Regni possessionem illi tribuebat: inter omnes omnium ordinum homines defusam esse volebat: quod quàm verè dicam, fidelis hic subditus, quem ad te Serenissime Rex mitto, satis luculenter demonstrabit. Cuius fidelis subditi, si Maiestas tua consilia probauerit, secutaq; fuerit, & facultatem ei apud te de libertate nostra, de officio & Regis & subditorum differenti largita fuerit; & quis vir Orichovius fuerit, & quam libertatem defenderit, qualem Regem esse cuperet, quæ officia ab omnibus omnium ordinum hominibus requirat, facile perspicies: magnumq; fructum inde referes, & maximam voluptatem inde capies; quòd eam rationem, quàm ille in suo Rege Augusto, gubernandi Regni huius, ex-
B posceret,

posceret, tua sponte ingressus fueris: hominique illi, qui omnibus, in omni genere consiliorum satisfaciebat, satisfeceris. Non dubito equidem Serenissime Rex, non defuturos, qui meum consilium huius edendi libri, Maiestatiq; tuæ dicandi, reprehendant; studiumq; meum, & amorem ardentem erga te, & perpetuam Maiestatis tuæ obseruantiam, ambitionem appellent: ea siquidem omnium meorum studiorum ratio est; ut nusquam illis æmula inuidia desit: me tamen hoc malum, quod toties calcaui, quòdque me ad maiora animo complectenda semper excitaret, nihil mouet. Amaui Orichonium me amantem, & scripta sua ad me, posteaquam ab errore, in quem lapsus fuit, ad Ecclesiam redierat, semper allegantem: incendor desiderio & amore Maiestatis vestræ, Domini mei clementissimi; & Orichonium igitur in tuum consilium venire, & te Serenissime Rex eius consilio uti cupiebam: propter ea, quæ in hoc fideli subdito continentur, commoda. Nihil unquam Serenissime Rex prætermittam, quod vel commodis, vel ornamentis Sacræ Maiest. vestræ inseruire, vel ad salutem Reip. libertatemq; veram tuendam, quam maiores mei, sanguine suo partam, mihi unã cum cæteris parem, hæreditariamq; reliquerunt, pertinere videro. Neq; cuiusquam minas tam extimesco, ut ab officio meo, & ab ea obseruantia, quam Maiestati tuæ, Regi

Regi meo debeam, discedam; & quem locum colendi, obseruandi, & amandi tui, Regis mei, fidelis subditus semel occupauit, deseram. Quod studium meum, amoremq; erga se, ut Maiestas vestra æqui & boni consulat, Orichoniumq; nostrum, de Regni nostri rationibus disserentem, & quæ ratio libertatis nostræ in hoc Regno ante te Regem fuerit, demonstrantem, ea benignitate, qua omnium bonorum consilia excipis, audias, etiam atq; etiam rogo; ac omnia fausta Sacræ Maiestati vestræ, à Deo patre misericordiarum, cuius bonitate te Regem habemus, opto.

TESTRASTICHON

cuiusdam, ad Scriptorem.

Scriptor cur hæc non celas? Quoniam esse fidelis
Coepi. Cur olim non? Sycophanta fui.
Vera loqui puduit? Magis ab mendacia profunt.
Præmia quæ veri? Furca, flagella, neces.

IN FI-

IN FIDELIEM SVBDITVM
STANISLAI
ORICHOVII ROXOLANI
AD SIGISMVNDVM AVGVSTVM
POLONIAE REGEM

Præfatio.



V MIN RVSSIAM cuncta modò influeret Scythia, metuque hostili conuellerentur hîc apud nos omnia; re ipsa coactus, ad te mihi ea nominatim, quæ cōpresso nomine dudum edideram. Cùm enim propositi anniuersario hosti in Russia effemus, adductus sum aliquot ab hinc annis, partim fide erga te mea, partim verò charitate patriæ; vt tibi designato tum primùm Regi ea proponerem, quibus tu patri succedens, vti posses pro salute nostra. Neque verò à me id arroganter factum existimari debet, arrogantia enim ibi locus non est, vbi ipsius authoris ratio nulla est; sed cùm in metu seruitutis & nos assiduè

Tartari anni uersaria calamitas Russiae.

Causa scribendi fidelis subditi.

versaremur, & tu propugnator Sarmatiæ designatus nobis esses; de summorum Philosophorum sententia ostenderam tibi, communi fidelis subditi nomine, qualem te Regem esse à pueritia conueniret; si & Rusiam seruitute liberare, & communem regni tui libertatem præstare velles; vt hoc nomine nullam aliam gratiam abs te inirem, præter eam, quæ à bono Rege, subdito debetur fideli. Verùm enim uerò metus præsentis mali coëgit me, vt eadem mitterem ad te denuò, non iam communi, sed proprio meo nomine; vt nomen ipsum admoneret te, quo loco, quantòque nunc simus in periculo. Es tu quidem ab auis, ac proauis Sarmatiæ Rex; sed tamen pro generis ac nominis tui amplitudine, nullum aliud munus, neque maius omninò, neque te Rege dignius à tuis expectabis; quàm vt ab iis certior fias, cuiusmodi te Regem sibi velint esse: quid desiderent in te: quid requirant à te: quoué totum velint propendere te. Neque enim in eo posita sunt tibi omnia, quòd Rex à Polonis appellatus es; sed, quòd secundum hoc nomen regnas, in eo summa est tibi rei: alterum enim horum, benevolentia est subditorum tuorum; alterum uerò virtutis atq; præstantiæ Regiæ. quæ quantò præ cæteris rebus omnibus excellentior est, tantò ad eam aditus expedi-

tior

tior est iis, qui animo sunt excelsò, ac vitiis libero. *Regnare bene*
 Quomodo enim quæso is, in quem tanquam in imā *Regis propri-*
 voraginem coetus vitiorum omnium concessit, Re- *um.*
 gium tuebitur nomen? cùm in res plenas perturba- *Rex vitis de-*
 tionum atque metus inciderit? aut quomodo rebus *ditus officio*
 dubiis consilio; desperatis uerò præsentis animo, ad- *suo vtinequit.*
 esse poterit heluo ac lurco? prius peste atque vasti-
 tate cuncta interibunt; quàm his opem tulerit Rex,
 diademate nomen Regium metiens, non virtute.
 Quòd si exemplis hoc, quàm sit verum, perspici de-
 bet; præsens calamitas nostra exempli satis est ad
 omnes tales casus. Afflicti sumus, ferro, atq; igni pe-
 nè deleti. Oramus te cuncti, vt nobis adsis, nostrā-
 que calamitatem pro materia tibi oblatā putes esse; *Pericula Re-*
 in qua non tam nomen tuum, quàm virtutem tuam *gni materia*
 Regiam sentiamus. Est in te summa præstantissi- *sunt regie vir-*
 maque dignitas: est genus Iagellonum inuictum, *tutis illustrā-*
 ac victoriosum: sunt exempla patris viua atque re- *de.*
 centia: fac quæso, animus quoque in te appareat,
 & patre, & genere, & isto loco dignus. quòd si qua
 in re ab his discrepaueris, parumne documento no-
 bis erit, pessimè cum iis agi, quibus fato Reges na-
 scuntur, atque casu fiunt? Atqui nos hæc tam enixe
 ideò ad te scribimus, quòd metuimus, ne captiui *Quid metuat*
 hinc in Scythiam abducamur postridiè. Quòd si ac- *scriptor.*
 ciderit,

Quærela captiuorum.

ciderit, fatísne nobis erit ad consolandam seruitutem, quòd tu Regis filius atque ipse Rex nos amiseris? Equidem non arbitror: virum libertas nostra requirit vt sit salua, non titulum Regis. Quære nunc ab iis, qui ex Russia captiui in Scythiam modò sunt ducti, quem accusent? cuius fidem implorent? de quo sublatis in cœlum manibus, eiulatu diurno atque nocturno quærantur? De te utiq; ó Rex: quòd te videlicet viuente Cracouiæ, illi miserè perierint in Russia. At quomodo perierint; sine lachrymis hoc dici non potest. Defendente nemine, propugnante nemine, incensa sunt oppida: expugnatae munitiones: capti, ac cæsi multi illustres viri: infantes iugulati: cæse anus: ante ora patrum violatæ puellæ: constupratæ ante virorum conspectum matronæ: abducta iuuentus: cum qua instrumentum, pecus atque labor omnis interiit rusticus: solus in agris atq; coloniis nostris multus habitat nunc horror atque mœror. Et nisi Ioannis Tharnovij imperatoris diuina atque incredibilis virtus obstitisset, Scythiamq; ferro atque igni grassantem repressisset; amplissimam illam opulentissimamq; Russiam videres nũc totam in fauilla ac cinere. Verũm cum Ioannes Tharnovius natus huic regno conseruando imperator, nihil ad celeritatem sibi reliqui fecisset,

set, quantumq; ex fuga potuit, militem collegisset, desperatis iam rebus nostris incredibili celeritate salutem attulit, Russiamque ex faucibus lethi creptam, afflictam licet, tibi conseruauit, vt haberes quod curares, quoduè restitueres. Quibus malis atque incommodis, vt quàmprimũ occurras, nonne memor paternæ atq; auitæ virtutis, Cracouiam illecebram adolescentiæ tuæ, quàmprimũ relinques? & te in Russiam conferes? vt eam restituas, eiusque reliquias conserues, quas tibi fecit reliquas hostile ferrum? quod nescio, an tibi facilè factu fuerit, nisi talibus præceptis atque institutis Philosophiæ abundaueris, quæ complent ac perficiunt magni regis mentem. Nisi enim ex huiusmodi præceptis conceperis robur animo; & nisi te Regem esse quasi Philosophum quendam, non sub tecto sed sub dio habitantem, cum animo tuo statueris; fletum hunc præsentem ab oculis nostris nunquam absterges. Et quoniam tibi summis rebus occupato, ad ea in vestiganda tẽpus deest, quæ in ipsius Philosophiæ recessu posita ad bene gubernandam Rempub. valent plurimũ; dedimus operam, vt ea deprompta ad te in præceptis monitisq; mitteremus: si non omnia, at præcipua certè quidem. Itaq; Fidelem Subditum, natum domi nostræ annis ab hinc sex, co-

Quibus malis atq; incommodis quàmprimũ occurrẽdum.

Philosophiæ præcepta Regi necessaria.

*Libri duo fi-
delis subditi.*

Voces aulica.

piofiorē aliquantō, quā dudum, ad te cum tali-
bus præceptis publicè mittimus: quem vt studio-
sè cumulatū reddam, addidi & alterum quasi pri-
oris comitem, ac penè germanum, quem defuncto
iam patre tuo nuper confeci tibi; quibus vtrisque
Philosophiæ ipsius præscripto, quasi circino quo-
dam circumscripta est tua omnis regia vita, rebus
vtique & exemplis ad nostram cōsuetudinem aptis.
Nec verò sum nescius, non defuturos Gnatonēs au-
licos, qui aucupū similes, voce adsimulata, vos Re-
ges captant, ac ita dicunt: Quid hic sibi vult moni-
tor odiosus Regum? qui is? aut vnde? Quibus ego
respondeo: Principiò, vt interea medijs in delicijs
quiescant, ac ventri, & petulantia suæ apud vos Re-
ges studeant, nobis verò molesti non sint; dum nos
te Regem nostrum veris ac fidelibus monitis ad sa-
lutem communem tutandam exhortamur: Deinde,
isti discant aliquando eam rationem Regum esse; vt
nemo illorū rectè possit imperare alijs, nisi ipse pri-
us parère rectè monentibus didicerit: Postremò, tu
inuitis hisce aulicis ita statues, Reges non debere
esse apum similes, quæ curatores suos pungunt, eo
præsertim tempore, quo cum regno ipsa pereunt.
Proinde auertes te quidem à nomine nostro: quis
est enim filius Orichouij, vt fiat monitor Regis? sed
ea ra-

ea tamen, quæ deprompta tibi mittuntur ex ipsius
Philosophiæ vestrae Regiæ penetralibus, sine qua
vir bonus, ac sapiens Rex nemo potest esse, grato
ac iucundo animo, à me fideli tuo subdito excipies;
non quia à me missa sunt; sed quia præclara ac verè
Regia videntur esse, suntque cognitione tua dignif-
sima: eaque sic leges, ac ad salutem nostram accō-
modabis; vt te aureum matris tuæ partū dicamus,
nostræque patriæ diuino munere tam necessario tem-
pore natum iudicemus. Quorum alterum pertinet
ad nominis tui gloriam sempiternam; alterum ve-
rò ad leniendum mœrorem ac luctum nostrū præ-
sentem. Benè & feliciter valeat Maiestas tua.

Datum ex Zurouice paterno rure, die diuo

Michaëlis sacro, Anno Christi

Dei nostri 1549.

C 2 FIDE-

FIDELIS SVBDITI
DE INSTITVTIONE
REGIA

LIBER PRIMVS.

VI PRINCIPES MONENT
ô Rex, duas res aduersas timent;
odium, & contemptum. Nam ne-
que monitorem fert fortuna, ne-
que rationem Rex. Hoc ego me-
tuens obmisi nomen, ne & odio a-
licuius monstraret iter, & ob hoc in scripto autho-
ritas esset minor. Subditum me tuum profiteor:
quo, testor Deum, non est fidelior alter. Habes
causam prætermissi nominis. Nunc quid, & cur ad
te scribam, accipe. Scisné tu, quis es tu? Rex. Re-
gis igitur tu, regor ego: sapientior ergo tu, quàm
ego. Quòd si tu sapiens; liber, diues, felix ego:
quòd si tu desipias; seruus, vagus, exul ego. Nemo
igitur delicto tuo miser, nisi ego. Ergo iam vides,
licere mihi, dum adhuc integer sum, tuam implo-
rare

rare fidem; vt dum licet, discas, quo pacto mihi pe-
riculoso hoc tempore, patriam, leges, libertatem-
que conserues. Et quoniam ad multa tibi obstat æ-
tas, adducor fide, vt ea quæ noceant, admoneam pu-
ra & fideli oratione: neq; enim aliam noui (quam,
caue contemnas) quòd omnis monitor, interpret
Dei est, vt eius lege viuas: quòd si hunc contem-
nis, caue, ne tibi Deus pro monitore parasitum mit-
tat, cum mendaci spiritu, qui te decipiat. Quam-
obrem, quò maioris imperij Rex es, eò curare te
impensius æquum est; vt consilia recta iam nunc
iniuncta habeas, quibus tot populos conserues. In
quo te iuuare possunt hi, qui te amant, & tua salu-
te suam contineri putant; è quorum numero ego v-
nus sum, vt mox hoc indicabit scriptum, quod iam
tibi hisce libris proponam. Quorum primus ineun-
tem Regiam tuam ætatem, alter verò regnantem
te totum complectitur. Et quoniam omnis admi-
nistratio Reipub. diuiditur in Regem, & Senatū:
hisque duobus mandatur custodibus: de vtroque
dicam; ita tamen, vt prius te tanquam caput inspi-
ciamus, deinde Senatū. Hoc igitur ante omnia
scito, non quemuis imperio esse aptum, sed tantum
hominem veri atque iusti natura cupidum. Sed hoc
non satis est, nisi etiam accedat doctrina, quæ hunc
ipsum

*Veros monito-
res non feren-
tibus, parasiti
dantur.*

*Summa libro-
rum.*

*Qui imperio
apti.*

ipsum hominem quid verum, quid iustum sit, erudiat. Vt enim ager, etiamsi natura fertilis sit, sine cultura tamen sterilis erit; sic hominum natura, quantumvis excellat, nisi accedat doctrina, nihil edit laude dignum. Quare non sunt tibi audiendi ij, qui te à studio earum artium abducunt, sine quibus omnis vita barbara est, & inutilis, cum in omni procuratione, tum verò vel maximè in administratione ciuili. Cum enim in minimis artibus nemo opus facit, nisi is, qui didicerit; dic quæso, cum omnium difficilimum sit gubernare regnum, quod opus in eo tu facies Rege dignum, nisi didiceris? quomodo iustos, honestos, ac conuenientes, efficies ciues tuos; si neque iusti, neque honesti, neque pacis rationes vnquam cognoueris? non traduntur hæc, mihi crede, risu & cachinno aulico: sed indetuntur, vnde olim sanctissimus pater petebat tuus, qui viro docto, ac sancto Dlugosio traditus puer, non prius discebat, quo fræno coërceretur equus, quam quo ipse cupiditates refrænaret suas: ab hoc ille didicit timere Deum, amare suos, Rempub. regere, vnire ciues, tueri fines, belli & pacis tempus nosse. Quibus cognitis, labore deinde & metu excitata virtus summi illius viri, in folio paterno atq; auito confedit. Habes exemplum domesticum,

Rex regnandi peritus esse debet.

Præceptor Sigismundi patris.

cum, à quo tibi discedere turpissimum fuerit. Accipe nunc externum, non minus ætati, quam dignitati tuæ aptum. Alexander Magnus, cum id ætatis esset, iam Thebas euerterat, ex ludo atque disciplina Aristotelis progressus: & vt multa in pauca conferam, vna erat viuendi norma proposita his omnibus, quorum est eritque semper æterna memoria, quam Phoenix ille Homericus proponit Achilli, qui se dicit ideò missum esse à Pelæo patre, vt illum sapere prius, deinde facere doceat: ab hac norma qui discesserunt, perniciosi suis Reges fuerunt. Quæ enim alia vis Dionysium Tyrannum in Sicilia, quæ Boleslaum in Polonia, quæ Claudium Romæ, quæ Neronem, & breuiter, omnes tam Græcos, quam Latinos, atque Barbaros Tyrannos effecit, nisi mens bonis præceptis vacua? Iam verò, quibus voluptas pro crudelitate placuit, vt Sardanapalus ille Assyrius, Heliogabalus Romanus, Alcibiades Græcus, spretis literis & earum doctoribus, vixerunt cum impuris parasitorum & sycophantarum gregibus, cum iis, qui conuiuium de die apparare, scortum cum fide adducere, canere, psallere, risus tempestiuos mouere, nugari, blandiri, mentiri, laudare malos, reprehendere bonos, norant: apud quos erat virtus vitium: pudor pro stupore:

Alexandri Magni adolescentia.

Phoenix Homericus.

Exempla Tyrannorum.

Molles Reges inepti regendo.

*Deprauatorū
Regum studi-
um.*

pore: continentia pro stultitia: frugalitas habebatur pro auaritia. Sic omni choro virtutum ex animis horum quos commemoravi exploso, semotis etiam fidelibus mentium nostrarum custodibus, ratione, & doctrina; amor, luxus, desidia, atque inertia, in locum virtutum ingressa, eò amentia istos perduxerat; vt Sardanapalus inter ancillas neret: Heliogabalus ex scortis exercitum instrueret: Alcibiades verò pudicitiam vltro prostitueret. & tamen cùm ita viuerent, mirè placebant parasitis: qui maximo cum applausu illorum, insolentiam vocabant disciplinam: licentiam verò libertatem: intemperantiã honestatem: audaciam postremò ipsam fortitudinem. Vides iam optimè Rex, vt aliquando ad te redeam, & illos crudeles, & istos voluptarios principes tales in imperio fuisse, qualis illorum educatio præcesserat. Simul & illud iam tibi notum est, id quòd memoria tenere debes, sine bonis præceptis, & honestis institutis, virum bonum esse non posse; multò minus Regem: & tamen adhuc dici audio, idque à tuis, Regem te esse debere, non monachum; & ideò minimè tibi opus esse litteris. Proch sancte Iupiter, Monachum sapientiore esse debere, quàm Regem! An in Regno tuo sapientior erit is, qui in angulo cum vno atque altero

Regis educatio quid afferat.

Corruptæ voces.

altero monacho finget & refinget otiosos syllogismos, quàm tu, cui tot ac tantæ res curæ sunt? Senatū inquit prudentem esse sufficit: hoc idem est, ac si quis dicat: Nauclerus sanè insaniat, modò vector sapiat: sed non est ita, non est, ô Rex, occlude aures: caue credas: Syrinum hic cantus est: necesse enim est ibi languere opus, vbi imprudens est princeps operis. Eryngium herbam esse ferunt, quàm cùm è caprarum grege vna in os acceperit, ipsa primum sola, quæ accipit fistitur, deinde reliquus caprarū grex fit immobilis: nec prius mouetur, quàm caprarius ex ore capræ herbam exemerit. Ad eum modum necesse est omnem industriam atq; impetum recti concilij remorari principis inscitia. Sed dices: fatis iam admonitionis, iam Doctores profer. Et si tibi, Regi præsertim, facilis sit hæc inquisitio, quòd omnes bonos nosse deberes; tamen quoniam cœpi, ne hæc quidem prætermittam. Habes tu in tuo regno, si quispiam alter, ad omne Reipub. munus viros idoneos; sed nescio quomodo otium malunt quàm negotium: ego autem ex omnibus pro-
ducam duos, industria, doctrina in tuo regno minimè secundos, Stanislaum Hofium, & Martinū Cro-
merum, quorum opera hoc es affecutus, vt exteris nationibus literas iam nosse videamur: quos, si

Sapienter Senatu sapientior sit Rex.

In Polonia esse viros prudentes qui Regi à consilijs sint.

D

tibi

Hinc hinc & hinc i. g. h. j. p. r. a. e. d. i. v. e. h. i. s. t. o. r. i. a. e. C. o. l. l. e. g. i. t.

tibi adhibueris comites, & si cum his frequens fueris, non erit cur aut Alexandro Aristotelem præceptorem, aut Dioni Platonem inuideas: ijsdem tu præceptis, quibus olim illi, istorum opera facile & citò excelles. Sed de institutione satis, & fortasse ultra modum etiam; verùm fides, & amor, solent carere modo. proinde ignosces, & nunc cætera benigne & attente audias. Proximùm est videre, cum

Familiares Regij quales esse debeant.

quibus viuas: sed scrupulosus hic & angustus locus est. Nam si quis à me quærat vnus è multis; quid mihi videatur familia tua? respondebo, honestissimam, & plane regiam mihi videri. At si quis morosus Theologus, vt Clepars, quærat: Heus tu, nosti conuictores Regios? noui, quid? omnes isti sunt Regis conuictu digni? Hærebo: & si vrgebit, respondebo: Non omnes. Qui igitur ibi indigni Rege? dicam, qui semper laudat Regem. Qui illo digni? qui aliquando reprehendunt Regem. Cur? quia Rex

*Theologi Conuicti
sunt Regis
conuictu digni
non sunt
conuictu digni
non sunt
conuictu digni
non sunt*

Familiares de prauati corrumpunt Reges.

iuuenis; errare, falli, decipi potest. Cum his ergò viuendum Regi, qui reprehensione corrigunt Regem, non qui laude errantem Regem confirmant. Sic ego Theologo isti eius supercilium intuens responderem, multorum Regum admonitus exemplis, qui blandis hominibus versuris & callidis cum coniuerent, turpissimi fuerunt. Quid enim Ptole-

maum

mæum Regem aliud in scena tibia canere coëgit? Quid Neronem orbis terræ principem scenico apparatu larua & coturno induit? nisi adulatorum laus: cum cantus illorum Apolline digni, conuiuia Bacho, palestra Hercule, ab adulatoribus digna vocaretur. Quare non est, quod in omni vita aliud magis fugias, quàm adulatorem: hic enim solus dementat Reges, & quasi Circæo poculo, in quas vult, illos mutat formas. Hocq; ille inprimis assequitur, reprehendendis studijs virtutum, vt si verbi gratia, temperantem te videat, protinus clamat rusticam hanc esse vitam: cõuiuio est opus: sine puellis, & choro, & symphonia ignobilem esse Regem. Allegabit etiam exempla, se vidisse, hunc & illū Regem, sine cantore, & tibia, & choro, nunquam cœnasse: is idē excogitabit tibi vestes, inueniet vnguenta, instruet balnea: apud hunc & illum senatorem quæret tibi conuiuia, laudabit saltus, incessus, equos tuos iurabit ne in stabulo quidem Turcico meliores. At si quis nunciet fines vastatos; extenuabit mox acceptam cladem: tibi, inquiet, adhuc satis regni est: deinde, si ipse omnia cures, nō Rex eris, sed subdito miserior. Ad eundem modū, si quis vir bonus, & amans patriæ, aliquid commissum contra ius, aut non legittimè abs te factum, admoneat; nō

D 2

fert

*Adulatores
rectè monitis
obstant.*

fert libertatem hanc adulator; sed extemplo contra monitorem profert illum Tyrannorum laqueum, crimen Maiestatis læsæ: in pectore Regis, dicet, conditum esse ius: Regem nullo iureiurando teneri: & ab hoc qui dissentiat, Maiestatis esse reum. His atq; talibus artibus ille omnes tibi honesti excutiet rationes, & te falsis laudibus, tanquam quibusdam clauibus, partim ad inanissimas res, partim verò ad perniciosissimas affiget; vt te hac via sensim, aut Boleslaum reddat crudelem, aut mollem Sardana-palum. Quod ne tibi contingat, non cum quibusuis viues: hosq; abs te segregabis, quos dicam loquaces, delatores, nugaces, & laudatores tuos; omnes isti corui sunt tui, & his multò deteriores; illi enim mortuis, isti verò tibi viuo insidiantur. Consequens etiam est, vt inspiciamus locum, in quo habites, de quo quidem facilis est sermo, cum hoc constet, non cuius arti quemuis conuenire locum: fænerator urbem quærit: causidicus forum: arator agrum: tibi quoq; , quem summum artificem in Repub. statuimus, pro ratione artis tuæ locus deligendus est. Tu custos regni es, sic enim supra posuimus: custodi verò locus, non intra, sed extra eas res, quas custodit, est attributus. vt generosus canis, non intra ouile, sed extra cubat, quò facilius sentiat lupos, persequatur,

*Adulatores
corui.*

*Locus habitati-
onis Regis.*

quatur, & arceat: contra segnis & degener, latitat post oues, & interdum in sinum turpiter refugit pastoris. Patiare hoc loco quæso salutis communis causa liberius quæ sentio monere. Tu Cracouiæ adolescentiam teris, in vrbe præclara, & illustri fateor; sic enim est; nulla tamen cum tua laude. Est ea vrbs tota in otio posita, & plane in penetralibus re-
Cracouia.
gni sita, in qua nullum habere potes virtutis ostendendæ campum. Commodè quidem hic viues, non minus quàm olim Ludouicus Budæ; sed non maiorem etiam authoritatem apud tuos habebis, quàm olim habuit Ludouicus Budæ, qui Mascharis illis suis omnem spem suorum de se extinxerat. Cùm enim risum quærat Maschara; quid quæso tam ridiculum est, quàm est ex Rege mimus? Tu verò esto vir robustus, fortis, & inuictus Sarmata: & relictis Mascharis, aut Gallis, aut mollibus Italis, censeo, vt te in Gymnasium veræ virtutis in Rusiam totum transferas, ex qua re hoc capies commodi. Primùm viues in labore & metu, hoc est, viues cum optimis adolescentiæ duobus magistris, qui primùm varijs modis exercebunt te; postea prudentia, & consilio imbuent te: tum verò hæc eadem res, subditos tibi coniunget, & te omnibus amabilem efficiet, cùm viderint te suum Regem, non

*Favor subdi-
torum Regi
necessarius.*

in puellarum coetu, neq; in materno sinu domi late-
re; sed pro sua salute in ostico excubare: putabunt
fibi tunc reuixisse Iagellonem proauum, Casimirum
auum, Sigismundum etiam patrem tuum repubui-
se; cum in tua indole, verissimam illorū imaginem
virtutis expressam agnouerint. Hæc meditare o
Rex: istos cogita: hos imitere. Quod si feceris, facile
te eximes ex obtrectatorum ore, falso fortasse, sed
tamen assiduo; & te efficies laudabilem, non luxu-
riosæ iuuentuti, neq; impudenti parasitorum gregi,
sed auctis gentibus & inprimis regno tuo. Habes
cum quibus viuas: & vbi degas. Nunc quoniam o-
mnis tua vita singularis non est, neque priuata; sed
communis atq; publica; initio tibi constituendum
est, vt eorum beneuolentiam summo studio tibi ad-
iungas, quorum hominum Rex es: quæ præsidio so-
la regibus est: & sine qua, infirmum, incertumq; est,
quicquid in Regū opibus est. Porrò quoniã Eque-
ster ordo firmamentū regni tui est; hūc tu tibi omni
ratione iungas censeo, id quod duabus potissimū
rebus assequeris. Vna, si nihil tuū in regno tuo esse
dicas, sed cuncta Reipub. adscribas, & te Regē esse
fateare, quasi quendam custodem: porrò, custos ni-
hil habet in his rebus suis, quas custodit, alioquin
eius ipsius rei non custos erit, sed dominus: eo pa-
cto, &

cto, & auaritiæ suspicionem effugies, & spe liberali-
tatis tuæ, omnes ad amandum te allicies. Altera ve-
rò res est, quæ ad conciliandam beneuolentiam e-
quitum plurimum valet, si eos, quos bellis gerendis
idoneos, ordinibusq; ducendis aptos, & quos mi-
lites aduersus excursiones hostiū excubantes, prin-
cipes sui ordinis esse duxerint, clementia tua com-
plexus fueris; industriamq; eorum, studiumq; & de
te, & de salute regni bene merendi, muneribus &
honoribus debitis exornaueris; industriam amaue-
ris; ignauiam, mollesq; animos neglexeris; paci &
quietis rebus studentes, in consilium allegeris; prin-
cipes seditiosorum compresseris, proculq; à consi-
liis de Reipub. amoueris. Sed & illud sedulo cura-
bis, ne aut conquirendis possessionibus pro Rege
vicinus sis subditis, aut contemptis bonis & forti-
bus viris, ipse charus sis nulli. Quomodo regnum
defendas, difficilis semper fuit habita ratio. peccu-
nia collata, illud deffendi quibusdam non placuit,
partim quod frequentibus tributis regnum iam ex-
hausimus, partim verò, quod iuuentus ex hac ratio-
ne otium nacta, omni in luxu defluit, quam corrige-
re, & vtilem regno efficere, facile non est, nisi prius
mutetur abs te tota defensionis ratio. Et si ex me
scire vis, quæ ratio mihi placeat, dicam, quæ olim
placuerat

*Ratio regni
tuendi, & iu-
uentutis exer-
cendæ.*

placuerat sapientibus. Vniuersa Respub. nostra in decem & duos Palatinatus (ni fallor) est distributa: ex his si ita partes facias, vt pro ratione tēporis hoc anno militent, verbi gratia Palatinatus tres, altero totidem, & sic deinceps; commodissimè hoc modo Rempub. defendes: nam contra maiorem vim parata est tibi generalis expeditio. Talis militia, vide, quanta bona nobis adferat: primò, requiescent à tributo coloni: deinde necessitate militandi, iuuentus auocata à luxu, assuescet labori, & condiscet operi: horum præterea patres, cum quadam æmulatione curabunt diligentius equos, arma, conquirent currus, & reliquum belli instrumentum semper domi paratum habebunt, cum certo sciuerint, post tertium quemq; aut quartum annum circulo ad se redire bellum: nunc autem, quàm frigeant apud eos omnia, tacebo, ne & meos tangam. Sapienter hoc illi videbant veteres Græci, qui hac sola ratione, & luxum de Repub. tollebant, & hostem ab illa arcebant. Dixi quod sciui, tu sequitor meliora, si hæc nõ placebunt. Tu ergo Rempub. hunc in modum, & bello, & pace reges. Sed quoniam omne regnum tuum in belli, & pacis rationes distribuitur, quorū vtrumq; certis legibus in nostra Repub. tibi est circumscriptum; non abs re quæri videtur, cum in tuo

regno

regno, hæc duo sint præcipua Lex, & Rex, vtrum horum altero sit maius: vt omni errore sublato, intra fines officij tui certus consistas. Si enim audiamus Romanos Iurisconsultos, hoc est, Tyrannorū parasitos; sine dubio omnia summa in regno tribuemus Regi. Nam & iustitiam ipsam vtilitate Regis definiemus, & legem ipsius dicemus esse placitum: nunquam rogabimus Regem, quare? nunquā iusiurandū erranti proferemus: ipsum postremò fatebimur, vitæ necisq; nostræ dominum. & hæc, quò certiora sint Regi, communierunt illi crimine Maiestatis læsæ. At nos non in Neronis regno nati, sed in Sigismundi editi patria, ita à maioribus nostris edocti sumus; vt sciamus Regem deligi propter regnū, non regnum constitui propter Regem. Ex qua ratione multò nobilius atq; dignius regnum arbitramur esse Rege. Lex verò, cum anima sit & mens regni, ideo potior est proculdubio regno, & consequenter Rege. Maior ergo erit lex, quàm Rex, & melior, & longè illo nobilior. Quid ergo est lex, ego dicam: Lex ipsa princeps liberi regni est, vt iam docui, sed muta, cœca, & surda: ob quam causam etiam vnus homo deligitur, quem Regem vocamus, qui lingua, oculus, auris sit legis. Quod si lex audire, videre, loqui posset; nulla gens deligeret Regem;

E ipsa

*Comparatio
legis cum Re-
ge.*

*Jurisconsulti:
Tyrannorum
parasiti
ita et ego ipse
sens.*

*taxator
Jurisconsulti quod
crimen legis maius
est tyranni - exorbitat*

*Lexis lingua
oculus auris
Rex illi*

ipsa enim lex præciperet quid opus esset factò; sed cum hoc non potest, interpretem habet Regem. Si quis ergò Trebonianus, aut aliquis ex seruitute Romana Ulpianus tibi blandiens, te summum in tuo regno esse dicat; negato: legem in tua patria regnare dicito, non hominem. Tu igitur quis es, si quærat, sic responde piè, & verè: Rex ego sum: hoc est, lingua, oculus, auris legis: & breuiter, interpretis legis; ita vt etiam iureiurando obstrinxerim fidem regno, ne aliud loquar, quàm quod vult lex. Talis responsio, vt vera erit, ita præclara atq; magnifica, & digna Casimiri Magni successore. Hic enim nobis primus sanctissimas & iustissimas leges dedit, quas omnes, illis exceptis impijs, de homicidio, te venerari æquum est, & ab illis ne transuersum quidem vnguem discedere. Cùm enim lex sit donum Dei, vlciscitur Deus violatores sui muneris, cæde, seditione, exilio, hoste, vastitate, seruitute: transfert postremò regnum de gente in gentem ob violatas leges. multa possem tibi exempla proferre, tam noua quàm vetera, quibus liquet miserabiles semper fuisse Tyrannorum exitus, id quod etiam disticho notatum est,

*Iustitia arx
Regum.*

*Iustitia & pietas valide sunt principis arces,
Nulla Tyrannorum vis diuturna fuit.*

Sed

Sed cùm ad alia propero, & tuæ facietati occurro, ideo hæc omittam, & illud cõcludam. Si legem ipse tibi in regno veluti alterum Regem præfeceris, beatum quoq; faciet te Deus, & regnum tuum, quòd te voluntati ipsius vltro totum subieceris. At si hunc ordinem mutaueris, & te dominum legis constitueris; mutabit etiam dominus regnum tuum, & tradet illud aut hosti, aut seruo tuo. Tot erant admonendi tui forte capita: nam illa, quæ cum multis videbantur tibi esse communia, prætermisi: neq. enim nos te, vt priuatum aliquem hominem admonuimus; sed vt Regem, cuius omnis vita, cùm referatur ad regnum, earum rerum tantum capita posuimus, sine quibus Rex utilis regno esse non potest: trita verò & vulgaria vt dixi reieciimus. Nam si te, verbi gratia, admonerem, quo pacto cum vxore, quam ducis, viuas, sic monerem: Suauiolem quidem nullum esse comitem; diligenter tamen cauendum præciperem, ne illa suauitate sua ita influat in tuum animum, vt aut omnem curam regni aboleat ex animo tuo, aut totam in se transferat: hoc ego si ita te monerem, neq; tu, neq; quisquam alter magnopere attenderet; omnibus enim maritis generaliter hoc à sapientibus præcipitur, ne quid aliud mulieris ingenio permittant, præter domus curam. Ideo hæc atq; his familia

E 2

similia prætermisi : his tantum contentus fui, quæ tibi soli erant propria. Proinde nemo me neq; negligentia, neq; imprudentia iure damnabit, quòd multa sciens obmisi. Hac ego prima parte suscepti negotij hunc in modum constituta, iam aggrediar secundam.

Secunda pars de Senatu.

*Tyranni &
Regis compa-
ratio.*



DE Senatu hoc in summa scito, non alia re dignosci bonum Regem à Tyranno, nisi conditione senatus; nam & tuetur suos Tyrannus ut Rex, & iuste interdum decernit, & aliquando suis ignoscit; at senatus nunquam similis est Regi. Etenim Tyrannus senatum aut non habet, aut si habet, ex hominibus nequam collectum habet. Cum enim ad suam ipsius utilitatem cunctam Rempub. referat, cauet diligenter, ne quis illi obstet. Et si quando socios non tuenda sed perdenda Reipub. legit, in primis curat, ne quis horum sit aut lingua aut sententia liber. Diligenter enim cauet, ne quo casu homines, genere, doctrina, virtute illustres in sua tyrannide crescant; sed tum beatum se esse putat, cum viros fortes, magnanimos, prudentes,

dentes, doctos, & diuites, è dominatu suo exterminauerit. Contra verò Rex, quoniam non sua, sed suorum causa, princeps in Repub. constituitur; ut eò plus proficit regno, asciscit sibi socium optimum, & præstantissimum quemq; cuius auctoritatem metuat, cuius consilio pareat, sententia verò Rempub. bello & pace conseruet: ob quam etiam causam, ingeniosos & doctos colit, quòd eorum opera scit se habiturum viros Reipub. idoneos, sine quibus nulli hominum coetus, neq; vlla Respub. diu stare potest. Quod cum ita sit, summam curam in deligendo senatu adhibebis, ut ex delecto tuo consilio, Regem verum te esse, non Tyrannum, omnes homines facile intelligant. Avaro, caue vllam partem regni committas: quod etiam sacrae literae vetent, aliquid credendum esse avaro. Et Paulus Apostolus: Radix, inquit, omnium vitiorum auaritia est. Huic vitio proxima est luxuria, quæ nisi esset, auaros nullos haberemus; necesse enim est eum aliena appetere, qui sua profundit. Hinc nascuntur in Repub. doli, fraudes, prodiones, rapinae, dissensiones, ac tenuiorum oppressio. Quare ut ab hoc malo regnum tuum liberet; homines frugi, temperantes, in senatum legitò, qui contenti sint suo, & si ita necesse sit, paruo. Hominem etiam obscuro aut notato patre

Senatus qualis esse debet.

paruo contenti

ortum, non admittunt ad Rempub. sapientes, quod, ut magnus thesaurus libertatis est liberis virtus parentis; ita contra seruilem reddit filium ignobilis vita patris. Tu verò ut splendidum consilium habeas, viros illustres, & clarissimis parentibus ortos, quantum potes deliges, partim quòd veluti columnæ quædam regni tui sint, partim verò, quòd longo seculorum tractu regnicolæ cæteri, harum familiarum authoritati iam parère didicerunt. Id quod tu assiduè experiris, nõ idem valere in tuo regno cæterorũ, ut valet Tarnouski, ac Kmithæ, Theczynski, & aliorum similiũ nomen. Sed illud tamen fac memineras, honores, virtutis, non generis esse premiũ: ut si quis Kmitha sit huic clarissimo & magno Palatino dissimilis lurco, ganeo, heluo nepos; sit verò quispiam Grzibouski vita & moribus huic contrarius, & plane vir bonus; tu hunc verũ Kmitham esse putabis, illum verò nebulonem, fuste à tua Rempub. arcebis; hoc enim hominũ genus triplex ad Rempub. non admittunt sapientes. Cũ ergo legitimus senatus tantum in regno possit, ut in manu ipsius plane salus sit regni; nihil te ita oportet curare, quàm ut sit conueniens: neq; enim alia res est, quæ citius dissoluat Rempub. quàm discordia senatus.

Dissensio. Dissensione siquidem Cæsaris & Pompeij periit Roma: in-

Autoritas familiarum vetustarum.

Degeneres negligendi.

Concordia Senatus.

ma: intestinis etiam odiis Senatus, Vngaria nuper funditus interiit. Hic casus etiã nobis pertimescendus est: nam & nos occultis ardemus odiis, de quibus antequam dicam, petam à senatoribus nostris hanc veniam, ut mihi liberè vera loqui apud te liceat; cogor enim charitate patriæ, & fide in te Regem meum singulari, quem video gubernacula regni firmiter tenere nõ posse in summa quorundam discordia; cũ aduersa factio senatus soleat incertum reddere animum Regis: quæ res tolerabilior vbiq; esset, si inferioris ordinis viros exagitaret; sed cũ versetur inter principes, ferendum tibi nõ est, præsertim cũ eò iam processerit odium; ut etiam viuo patre tuo, nihil aliud quidam cogitent, quàm quomodo dignitate alter spoliet alterũ, & quo pacto damno, iniuria, contumelia, infamia, adficiat pars altera addictos parti alteri. Hunc in vsum seruantur mille causidici, rabulæ mille; ita ut si non nullos accedas, inuenias eos causidicorum cinctos corona consultantium, quomodo hic citandus est, quomodo iste eludendus, qua ratione iste è regno pellendus aut notandus. Ego neminem hoc in loco nomino, tantum erroris admoneo. Proinde nemo mihi irascetur, nisi prius de se cõfiteatur. Quis enim est tam ferreus, qui hoc ferat? homines authoritatis sum-

tis summæ relicta Repub. in tam periculoso tempo-
 re nihil cogitare, nisi per lapsus, citationes, nisi ban-
 nitiones, nisi ministeriales, & triplicata vadia? Quis
 autem ex his moribus si durabūt aliud speret, quàm
 certissimum regni tui interitū? quod si tu negligis,
 & si dies atq; noctes parentem tuū sapientissimum
 Regem non sollicitas, placatos & conuenientes se-
 natores tibi vt relinquat; aut regnabis male, aut
 omninò non regnabis: momento temporis hæc om-
 nia peribunt, quæ tibi relinquet pater, principū
 discordia. Tollendi verò huius mutui odij & dissen-
 sionis vnā esse causam à prudētibus audiui, quam
 hîc ponam. Meum, & tuum, sunt duo omnis discor-
diæ civilis fontes, ex quibus promanant, & pro-
 fluunt lites & controuersæ forenses: ex his deinde
 nascuntur odia: ex odiis fiunt postea seditiones: se-
 ditionem verò certus regni consequitur finis. Vt er-
 go sit tuum regnum saluū, meum & tuum non ver-
setur inter senatores tuos: non disceptent de illo,
 neq; iudicent; ad alios hæc relegentur iudices. Sint
 senatores regni patres, liberi ab odio, conuenien-
 tes, non controuersi. Habeant animum, non ob-
 fuscatur maleuolentia, non impeditum odio, non
 cœcum inuidia; vt pura & syncera mente, quod
 noceat, quid ué profit regno, certius videant. Quod
 fieri

Intentus Regni.

*Dissentientis
senatus incō-
moda.*

fieri non potest, quàm diu priuatarum rerum ipsi
 fuerint iudices. Atq; vtinam aliquando illa præte-
 ritorum comitorum valeat apud te sententia, quæ
 censuit constituendum esse iudicium in regno ex
 delectis iudicibus, ad quos omnes controuersæ re-
 rum priuatarum deferantur: & vt ab ijs nulla sit
 prouocatio; sed illorum iudicio stetetur, quidquid
 decernerent. nihil mea sententia neque sapientiùs
 neq; utiliùs, neq; quod ad salutem huius regni ma-
 gis pertineat, potuit decerni. Hoc enim modo vixit
 olim saluis rebus Græcia, quæ ex primoribus ciui-
 tatibus delectos viros habuit, omnium controuer-
 siarum suarum iudices, quos Græci Amphictionas
 vocant. Quem deinde morem sequuta Roma, ad
 hunc eundem modum publicum constituit iudici-
 um, quod Rotam appellant. Et quoniam hæc iu-
 dicia non tantum iustitiæ inter ciues, sed etiam pa-
 cis & concordie videbantur esse causæ; ideo &
 Gallia Parlamentum suum, ad hanc formam consti-
 tuit, autoritate tantâ, vt etiam Regem ipsum illi
 iudicio in priuatis causis subiiceret: & Germania
 quoq; non dissimili ratione vnum iudicium esse in
 cuncto imperio suo voluit, cuius autoritati pare-
 ret, quod vulgo Germani vocant Kammerrecht.
 Cum ergo habeamus tot exempla retinendæ pacis,

iudicia tribu-

*nalia. etiam
in statu
rege cogitata
100 - 100 - 100*

*Amphictionas
Rota.*

Parlamentum Gallia

& concordia communis, & cum hoc etiam ipsum in comitiis flagitari videas, causa non est; cur non summo studio agas cum patre, ut pro sua sapientia, & pro salute huius Reipub. quam ille per triginta & sex annos felicissimè gessit, cōstituat hoc tale iudicium, quod tuo regno pacem, tranquillitatem, atq; otium adferat; ut & senatores tui Rempub. diligentius curent, & adempta illis de meo & tuo potestate iudicandi, in mutua charitate, atq; benevolentia viuant. Præfectos prouinciarum, quos Capitaneos vocant, diligentius obserues censeo: eo enim processit quorundam insolentia; ut nihil aliud interim dicam, ut seruitus in quibusdam prouinciis non sit expectanda maior. Non solus est crede mihi in tuo regno N. multi sunt tales & deteriores illò, qui subditos tuos non pecuniis, neq; Marduris aut vulpis pelle, id quod N. fecit, sed villis, agris, pratis atq; siluis priuauerunt. Aperi modò aures, & arripe, miserabiles vndiq; fletus & gemitus tuorū audies, quorum ita oppressa est libertas quorundam potentia; ut Regi suo calamitatem suam conquæri non audeant. Qui si quando quærantur, domū reuersi miseris affliguntur modis: illicò enim præstò adest mors, & terror subditorum tuorum, causidicus; qui præfecti instinctu commentatur citationes, qui

Capitanei
quid faciant.

Civitas
appellat

Libertatis ex
empla.

qui perlucra numerat, & perlucrorum nomine dolo partorū omnibus bonis me exturbat; quid? mox ex mea villa bona fiunt regalia, & ager meus rapitur, pecus abigitur, & mihi bonorum interdicitur usus. Taceo minas & contumelias ingentes, ita ut optabilior sit quæuis seruitus Turcica. Quæ res, quàm in libero regno non sit ferenda, vides: male enim cogitantes de Repub. facit ciues. Quocirca, ut hac seruitute regnum tuum liberes, ad vitalitates quas vocant nemini dederis; nam istarum spe multi insolescunt: deinde id, quod nuper iustissimè factum est in homine teterrimo & rapacissimo, N. quod inquisitores in eum sint missi: tales inquisitores sint perpetui velim, viri graues & fideles, qui prouincialium iniurias ad te deferant, ut metu iustitiæ tuæ, contineatur quorundā iniquitas. Ad hunc igitur tu modum eliges & corriges senatum, præfectosq; cohercebis. Sed quoniam in tuo consilio sanctissimi etiam sedent Episcopi, more maiorum, hos tu venerabere ut patres: qui ideo sunt in senatu tuo, ut omnium consiliorum tuorum censores sint & iudices; ne quid fortè statuas, quod à Christi domini religione sit alienum: quos, ut tales semper habeas, quales habuit Casimirus auus tuus, Sbineu; Boleslaus Stanislaum, & huius successor Prando-

ad vitalitates

Episcopi in senatu

Episcopi in senatu

tam, partim optare, partim verò curare debes. Illud enim fac tibi persuadeas, dignitatē Episcopi esse tantam; vt nulla res post Deum, neq; in terris, neq; in cœlo reperiatur, quæ cum hac dignitate exæquatur. Hic enim primus habet clauēs claudendi aperiendiq; cœlos: hic spiritum sanctum largitur Ecclesiæ: huius imperio subiecti sunt Reges, principes, nobiles, ignobiles, diuites, pauperes: audi quō te deducam. Isti omnes quos enumeravi, vnū Christi ouile efficiunt. In quo quidem ouili, omnes sunt pares, non est seruus, vt inquit Paulus, non est liber, non est vnus conditio melior, neq; alterius deterior; sed vno nomine vocati sancti, omnes subiecti sumus Episcopo. Quod si ita est, vt certè est, quæso ne tibi curiosum videatur esse, si à Maiestate tua quæram, quo iure Rex in Ecclesia eligit Episcopum: aut cur tu potius quàm ego, aut quisquā alter; cum in æquali iure, potestas omnis sit æqualis? Quid dicēs o Rex: aut quomodo tibi id licere putabis? num Scriptura? quæ tota contra te est: quæ docet, Stephanum Diaconum, non vnus alicuius prærogatiua esse electum, sed voluntate omnium, qui tunc erant Hierosolymis cum Apostolis collecti. Mathiam etiam ad Episcopatus munus ab Apostolis omnibus electum esse legimus. Ideo scripturam rationis

*Episcoporum
autoritas.*

*ab ab iure
l. Onifouius
vultate dixit.*

*Eligenda Epi
scopos vetus
ratio.*

tionis tuæ testem proferre non potes: sed legem aliquam fortasse proferes. Quam quæso legem? vbi porrò natam? num in concilijs? quæ ad capitulum, hoc est, ad Canonicos, electionem Episcopi deferunt, quod hi in deligendo Ecclesiam illam, quæ eget Episcopo, repræsentent; vt adhuc obseruari videmus Romæ, Salerburgi, Bambergæ, Mandeburgi, Vrathislauiæ, Olomuncij, & in plerisq; alijs ciuitatibus. Legem itaq; nullam reperies, qua id tibi liceat. At exemplum fortasse vetus aliquod? nullū. Nam vsq; ad Casimirum auum tuum electio Episcoporum libera penes Ecclesiam in Polonia mansit. Reuolue annales veteres: inspicere etiam historiam Polonicarum rerum; facillè intelliges, qua ratione vetustissima Ecclesiæ consuetudo sit ab auo tuo in Polonia immutata. Si ergo neq; scriptura, neq; lege, neq; exemplo nominare Episcopum tibi liceat; fateare necesse est, Reges magnam vim inferre Ecclesiæ: & cum spiritu sancto aperte pugnare te; quòd homines profani & pares in Ecclesia cæteris legitimis electoribus vim eligendi præripiant: et suo arbitratu Episcopum quem velint, in Ecclesia Dei constituent; præsertim cum hoc scelus alio cumuletur scelere, cum huiusmodi verbis Episcopatū conferant: REGIA MAIESTAS PRO TVIS FI-

*Capitularis e-
lectio Episco-
porum quan-
do desit.*

Nota

DELIBVS SERVITIIS DAT TIBI HVNC EPISCOPATVM. Non sic olim, cū Canonica stabat electio, dicebatur: sed, ITA VISVM EST SPIRITVI SANCTO, ET NOBIS, vt sis huius Ecclesiæ Episcopus. Nūc verò in multis apparet, quā sit virum spiritui sancto, vt esset is vel ille Episcopus; cū nuper quidam non dissimulanter dixerit, sed aperte & palàm, & multis audientibus, se triginta annos seruiuisse pro Episcopatu, antequam sibi daretur. Non audit hic vir bonus Christum dicentem: NON VOS ME ELEGISTIS, SED EGO VOS ELEGI. Deinde omnes Apostoli, hoc est Episcopi, Christū sequebātur vocati. Illi verò qui se vltro Christo offerebant, palàm ab eo erant reiecti. Quapropter hæc plantatio vt vides nō est patris cœlestis, quæ procul dubio eradicabitur, nisi ius eligendi vetus, Ecclesia recuperauerit. Ex qua re habebis multa bona: & primò, Episcopos legitimos, nō hominis vnus gratia, sed multorum hominū censura electos: deinde, desinet vulgus quæri de sinistris clericorum moribus; nemo enim deligetur Episcopus, nisi qui probatus fuerit à multis, quem necesse est fieri moribus & vita singulari. Talis verò non patietur inferiores sui ordinis sibi esse dissimiles. Quod si feceris, recuperabit per te suam veterem dignitatem Ecclesia: tu te etiam

Seruire pro beneficio an liceat.

te etiam grauissima liberabis culpa, quòd cum Deo apertum bellum gerere nolueris, sed iugo Ecclesiæ Dei te totum subieceris. Qua quidem de re verbum ego hoc loco non facerem, nisi me ipsa stimularet conscientia, quòd videam neminem esse concionatorem, qui vos Reges publicè doceat, qualem rationem pro hac tanta vestra in Ecclesia Dei iniuria redditori sitis Deo. Quare iuxta Euangelium, cū Klepars & cæteri Doctores fileant, lapides clamare oportet. Tu itaq; fac memineris te à me diligenter sine huius erroris esse admonitum; vt in die horrendi iudicij conscientia mea nullam culpam delicti ferat. Hæc ego scripsi vt potui, non hominibus imperitis, qui omnem doctrinam spernunt; sed tibi Regi summo, qui ita cum animo tuo statuere debes, potentia prudentiam esse coniunctā debere; quòd natura, altera harum virtutum quærat alteram, postuletq; & simul viuat cum altera. Nam & potentia absq; prudentia viribus ipsa ruit suis: et prudentia, cum sit rerum domina, absque potentia firma esse nequit. Quare cū te esse sentias Regem, nihil earum rerum contemnes, quæ ad augendam prudentiam pertinebunt: neq; ita dices, HOC MEMORAVIT PRIVATVS NON REX. Ego verò video in theatro pugiles, & in circulo cursores, non tantum à

Ioannes Klepars erat vir egregius, doctus, & pius concionator, de re literaria & Academia Craco. optimè meritus.

tum à fortibus viris, verum etiam à pueris clamore incitari ad pugnam; quod tantum clamor pro fit personæ, ratio nulla sit. Multos tibi proferre possum, qui priuati cum essent, bene rem gerere multos principes docuerunt: quorum memoria inter homines viget, estque immortalis. Nam & Simonides Poëta multa docuit Pausaniam Lacedæmonium: Et Thales Milesius, Periandrum Corinthium: & Periclem Anaxagoras Clasmennius: Plato verò Diogenem: Aristoteles Alexandrum: Dlugos Sigismundum patrem tuum; qui omnes principes atque Reges, si istos, quia priuati erant contempsissent, nunquam ad eam laudem atque immortalitatem inter homines peruenissent. Neque ego me cum istis, vlla ex parte confero (non enim ita desipio) sed horum exemplo doceo, priuati hominis nomen nobis non obstare, quominus monitis nostris obtemperes, quæ ostendunt tibi compendium comparandæ inter homines laudis & gloriæ. Nam quod cæteris hominibus non contingit, ut sint noti multis, nisi peregrinentur, obeant, & peragrent multa; hoc tibi vno in loco assequi, quomodo liceat ostendimus. Cum enim in excelsa sede summæ dignitatis sedeas, omnium gentium propemodum oculos defixos in te habeas; ut nullum paulò illustrius abs te factum latere possit,

possit, sed statim omnibus innotescat, si quid simile repræsentaueris, aut Licurgo illi Lacedæmonio, aut Cyro Persæ, aut Sigismundo Polono, & si quis alter præterea prudentia, vita, & moribus excellit; simile sic illustrabitur nomen tuum in Polonia facile & citò: et cum tua summa omnium laude versabitur, etiam si nunquam Hierosolymam nauiges. Si verò bonis fortunæ aut corporis deceptus, contempnes veritatis atque iustitiæ præcepta; in isto quidem loco præalto sedebis; sed ita tamen sedebis, ut te locus ornet, non tu locum. Verum nos de te opinamur meliora, quoties & indolem tuam & Iagellonum genus cogitamus, à quo genere aliena semper fuit arrogantia; placidum enim, benignum, tractabile, docile, omne genus vestrum fuit. Accipies ergò hoc munus à fidei subdito, benigno & sereno vultu, eiusque in primis commendatam habebis fidem, qui nihil aliud hoc scripto querit, quam tuam utilitatem, quam tibi ratam atque vtilem propriamque Deus Optimus Maximus esse velit.

1543. Comitibus Cracouien. in nuptiis Inclitissimæ Domine Helizabetæ Regis Romanorum filia, quæ postea Dux fuit Litvaniæ 1544. infelicissima; mortua enim est 1545. Augusti die.

G

STANIS-

STANISLAI

ORICHOVII ROXOLANI

fidelis subditi

LIBER SECVNDVS.



VM PATRI IN REGNO SVCCEDAS, optare debes & ipse tibi, consilia administrandi regni subire quàm plurima, & alios præstò adesse, quid id, quod ex vsu futurum sit tibi, liberè admoneant: quorum etsi multi sint, tamen neq; me contemnes, qui rationes tuas crebrò expendens, agi mecum putem, si quid tu de officio remiseris. Quare cùm enixe cupiam, & te meum Regem, & me tuum subditum dici, ostendam tibi, qualem te Regem mihi velim esse, vt intelligas, qua authoritate regendus, quibus moribus conciliandus, quibusque artibus abs te sim tibi retinendus; vt ita inter nos vtrinq; fidelis constet ratio, & obedientiæ, & imperij: vtq; tu mihi imperes sine quærela, & ego tibi vicissim pareã sine offensa. Hoc igitur scito, vt te idone-

Ratio retinendi subditi in officio.

te idoneum esse putem, cui ego non coactus, sed volens atq; lubens paream, duabus rebus ad id tibi opus esse. Prima est, vt credã te in omni ratione regni tui nihil nisi de meis commodis cogitare. Secunda, vt mihi certò persuadeam, te sapientio-rem, iustio-rem, fortio-rem atque melio-rem virum esse, quàm sim ego. Altero enim horum vt te amem; altero verò vt tibi fidem habeam, perficies. Nam si de tua virtute, nulla fuerit apud me opinio; nulla etiam commodorũ spes: quid illud erit tertium, quod aut amorẽ tibi apud me, aut fidem conciliet? Ergo hæc duo apud te simul fixa maneant, firmaq; inter nos semper sint: nã & virtus sine vtilitate, ieiuna est, & vtilitas sine virtute, incerta est, & ingrata. Quid enim tu apud me proficies, etiamsi omnia pro me profundas, si ego te insipientem, iniustum, imbellem, ac improbum Regem esse putauero? non bene sanè tum constaret inter nos ratio ipsius regni. Quare virtutibus omnibus, sapientia autem inprimis præstes, necesse est, si idoneus mihi velis videri, quem ego ducem sequar. An tu me hominem pecude stolidio-rem censes esse oportere? ipsum enim pecus sequitur, non tam datorem, quàm rectum ductorem ipsius pabuli. In hominum etiam ipsorum genere ægroti obediunt medicis, opinione artis impulsu

impulsi: sic nauigantes nauclero, sic milites suo parent duci, opinione sapientiae ducti. Quapropter, si vis grandis à me videri, antè omnia dato operam, vt sapientior non solùm videaris, sed etiam sis, quàm sum ego. Simulatio enim ipsa sapientiae praesertim facile inscitia coarguitur. Qui enim benè equitare se falsò simulat, is equo conscenso imperitiae conuincitur, ac tergo excussus, saepè simulationis dat poenas. Idem tibi faciendum est, vt raro promissis, semper autem rebus ipsis mecum agas; ne si mihi saepè multa de tua sapientia promiseris, pauca verò re ipsa praestiteris, canem me illum facias, quem cum Venator in praedam saepè incitat, raro autem illi praedam obiectat, incredulum illum ac segnem, etiam ad certam praedam facit. Quibus autem rebus opinionem veræ & excellentis sapientiae apud me tibi comparare possis, dicam, sed audituro. In primis fac intelligam, te non minus in te ipso, quàm in me regendo sapientem esse Regem; frustra enim tu me regere voles, si ipse te regere non potueris. Quare putato tu te tibi quasi Rempub. quandam esse, in qua tu mihi demonstrare debes omnes sensus atq; neruos sapientiae tuae, vt in te ipso experimentum clarius faciam, quantum ad me ea regendum translata in me sint valitura. Qua in re idem facies,

*Qui seipsum
nescit regere,
alios non po-
test.*

facies, quod pictores solent, qui cum specimen artis edunt, ad speculum ipsi se pingunt, quod quidem in pictura est summum. Quod si ij vultus suos ex speculo penicillo assequi non possunt, tantò minus creduntur posse aliorum. Illi verò qui hoc possunt, summi in arte habentur. Quales in Germania vidimus olim Durerium Norimbergæ, & Lucam Vitembergæ. Ad horum exemplum tibi quoq; efficiendum est, vt omnis ratio tuae sapientiae, in tua vita mihi appareat. quod si mihi planum fiet, non dubitabo eandem vim, prudentiam tuam in me gubernando habituram, quæ in te ipso habuerit. Sit ergo hoc primum & praecipuum, ad comparandam sapientiae opinionem, vt ipse te noscas, atque viuendo totum exprimas: id quod etiam Apollo praecipit Pythius. Secundum est, quod ad eandem rem valet, nempe vt videam te sapientibus hominibus non solùm delectari, sed etiam cum illis viuere, ac illis deditum esse, illorum praecipia audire, legere, ac tenere, & secundum illa regnare: quod ego cum animaduertero, similem te quoq; illis arbitrabor esse, quorum consuetudine latabere. Et vt te id agere verè & ex animo intelligam, remouebis abs te homines libidinosos, auaros, ac facinorosos: hystriones item atq; mimos; ne qua ex horum conuictu nascatur de te apud me

*Specimen artis
deditus
apud pictores*

opinio sapientiae aduersa. Quantum ergo potes da operam, vt in omni victu, atq; cultu tuo semper sint tecum graues viri, probati, atq; docti: nec verò multum refert, ex tuone illi regno sint, an ex alieno: nam vt equis probis vteris, non curans Polonicinè illi sint, an peregrini; sic etiam hominibus ipsis vtare absq; discrimine ad tuam regniq; tui vtilitatem. In quibus tamen deligendis adhibenda est abs te ratio diligens: multi enim sunt qui cùm ab illa vera & germana sapientia longissimè absint, sapientiam tamen ipsam mirificè simulant. Hoc tu pernitiosum genus hominum, ventriq; ac lucro deditum fuge; insolentem enim Regem facit, arrogantem, ac degenerem: quos tu omnes hac vna regula cognosces, quam hìc ponam. Quemcunq; inhumanum, arrogantem, auarū, ac plebanipetam videris; hunc tu insipientem esse dicito, & tuo conuictu indignū, etiamsi is barbatus fuerit, tristis, ac superciliosus, multorumq; titulorū Doctor eius doctrinae, quam ille verè nunquam didicit. Quid ita? quia sapientia illa vera, & non ficta doctrina, habet humanitatem adiunctam: horret titulos: liberalitate ducitur: ac quodam externarum rerum neglectu lætatur. Non ergo homines ex titulis tibi deliges, sed ex rebus ipsis ad regni tui summam pertinentibus. Tales homines

persequimur talis
de honoratib
ocasio regni
vtilitate

Correctio

Hand sine an
vtilitate regni

Sapientia si-
mulata.

Vera sapien-
tia.

sepe de tali sumit
in rebus exter-
nis quibus
ordini suo
libi

omni q; si quis sit sumit
aut regni qd sed qui
quod in p. h. d. sit

mines prisca illi Philosophos appellabant, quòd hi eam traderent doctrinam, qua hominum vita regitur & continetur; vt verissima conuersione omnes amatores sapientiae, sint amatores ipsius Reipub. & contra. Hos ergo tibi adiunges summo studio, summaq; tua beneuolentia. Restat ordine quidè ad parandā sapientiae opinionem postremū, sed facultate haud scio an longè maximū: vt videlicet scholas & gymnasia, hoc est, ipsius sapientiae domicilia in regno, vbi non sunt, constituas, vbi verò collapsa sunt, restituas. In quibus iuuetutis regni tui indoles, ad humanitatem sapientiamq; informetur: & in quibus etiā tui subditi à pueris, & bene rem agere, & tibi sapienter imperanti parère cōdiscant. Quod si hisce rudimentis neglectis, legibus ac poenis ad virtutem ciues tuos impelles; idem facies, ac si quis poena cogat scopū attingere eum, quem nunquam iaculari didicerat. Quare ad augendam sapientiae famam; illud vehementer conferre existimes, vt Gymnasium Cracouien. quod proauus tuus condidit constituas: quod ita sanè efficies, si publico edicto, hoc istud Gymnasium, perpurgaueris mendis illis infinitis, ex eoq; sustuleris autores illos, nō probatos & barbaros, minimeq; regno vtilis, Copulatos, Holcotos, atq; Bricottos, Glogouitam item illum

Philosophi ve-
teres qui.

scilicet
politici
sua

Scholas neces-
sarias esse in
regno.

sepe de p. h. d. ad
vtilitate
regni
sua
sua
sua

Academia
Cracouien.

Turpes pre-
ceptores ex
Academia
pellendi.

bonp

illum impurum, unde mercede publica dediscenda discuntur à tuis, amoueris. Quare publico edicto coge collegas illos viros excellentes, pro hac ista hominum impurissima fece, recipere in Collegium authores probatos, tam Græcos quàm Latinos, vt ex hoc ceu fonte quodam puro & nitido, fluat illa Regia doctrina, quæ sapientes efficiat tibi ciues tuos, regnoq; tuo aptos. Ad eundem modum scholas ipsas priuatas summo studio refice, illarumq; scholasticis, non aulicos istos nitentes purpura & bysso, sed homines eruditos præfice; quorum opera iuuentus doctior reddatur, regnoq; tuo paratior. Proinde & in Gymnasijs & in scholis cura, vt opera tua cõstituantur fideles magistri, qui demonstrèt, doceant, atq; consuefaciant iuuenes talia à teneris probare ac agere; quæ bonos, gloriosos, ac felices illos matura iam ætate possent efficere: contra verò his spretis, atq; neglectis, illi idem magistri, summo persuadeant studio, summam turpitudinem, infamiam ac miseriam, iuuenibus esse expectandam. Hac tu vna & eadem opera, & sapientes subditos tibi efficies, & ipse te mirificè omnibus commendabis. Putabimus enim te esse singularem artificem, quoties fuerimus hoc tuum opus contemplati: ostendes enim nobis in hoc isto opere imaginem mentis tuæ, quod

Schola priuata.

Magistri quales.

quod perficere nullo modo poteris, nisi prius ipse sapiens fueris; signum enim scientis est, posse docere: docebis autem tu ciues tuos, si curaueris, vbi discant, & à quo discant. Noli putare Auguste ad opinionem sapientiæ aliam viam esse præter eam, quam vides, nempe (repetam enim) vt ipse te ante omnia regas sapienter: deinde, vt cum sapientibus viuas: postremò, vt sapientes subditos tuos efficias. Hæc prima & summa est Regiæ celsitudinis tuæ commendatio. Nunc accipe huic proximam, quæ etiam ex hac ista ortum ducit. Sequitur enim iustitia ipsa, qua virtute efficiendum tibi est, vt tu in hoc regno iustissimus omnium esse videâre. Nam si tu aut æquè sapiens aut æquè iustus fueris vt sum ego; quid intererit inter me & te, hoc est, inter Regè & subditum? nihil opinor. Quare vt præstare hac ista virtutis laude videâre; iustitiam cole, ipsamq; diligenter exerce, nõ solùm hoc ipso vulgari more, quod de illa rabulæ loquuntur; sed etiam hoc isto singulari atq; Regio, quo virtuti præmium, vitio verò sua redditur pœna. Cùm enim omnis hominum coetus boni alicuius causa conueniat, danda tibi est opera, vt illud ipsum summum bonum, cuius causa hic regni tui coetus conuenit, præmiis ac muneribus tuis excitetur, foueatur, ac in hoc regno abs te fideliter re-

Signum scientis.

Commendatio Regis.

Coetus hominum cur instituti.

H

ter re-

ter retineatur. Est autem illud summum ac postremum bonorum omnium; vt sub tuo iure atq; imperio cōuenienter legibus atq; naturæ omnes in hoc regno viuamus. Hic finis tibi propositus est: ad hunc tu finem omnem cursum regni tui dirigas necesse est; si hunc istum Polonicum cœtum, non diuturnum tantum, sed etiam beatum ac felicem facere cogitas. Quod tu sanè hac via assequere, si curaueris, ne in hoc isto Polonico cœtu virtus cedat vitio: neue indignis id abs te tribuatur, quod dignis est tribuendum. Quòd si quid tu hîc erraueris, dissoluetur hic tui regni cœtus, & opinione tua citius dissipabitur. Sæuit enim neglecta virtus, furit, ac nimium seditiosa est, resq; ipsas communes perire cupit, cum videt se esse relictam. Neq; verò aliam causam seditionum regnorumq; ipsorum amittendorum puta esse; quàm hanc istam vniuersam distributionem bonorum atq; munerum. Recense hoc loco Græcorum atq; Latinorum historias, id quod te studiosè facere audio; reperies viros magnos ac excellentes, cum se neglectos esse non ferent, patrias suas funditus euertisse. Iam verò ipsius Tyranni nullum argumentum est aliud, quàm hæc ista inæqualitas, siue iniustitia distribuendi. Cum enim Tyrannus sit pestis quædam conflata ex varijs vitijs, con-

Virtus neglecta.

Tyranni signum.

tij, conuersione munerum, ac illorum in improbos collatione; virtutem ipsam infamia quasi inedia quadam extinguit ac delet. Nam vt corpora nostra suo viuunt cibo; sic virtus suo viuit præmio; quæ, ne qua in libera Repub. extet, omnis Tyrannus curat; apud quem in distribuendis honoribus valent pecuniæ, valent preces, valet compotatio, collusio, scortatio, & illa nutricula Tyrannidis assidua valet adulatio. Ita Tyranni hisce debere se omnia arbitrantur, quos aut vtilitatis aut libidinis suæ norunt esse magistros. Quibus vt tu te dissimilem præstes, in distribuendis honoribus, esto omnium diligentissimus, atq; iustissimus: nihil apud te in petitione valeat pecunia; excœcat enim oculos sapientum, & subuertit corda iustorum: preces etiam tantum apud te valeant, quantum cuiusq; dignitas ac Reipub. vtilitas postulabit: quæ tantum apud te posse debet, vt boni viri vltro etiam appetendi sint tibi potius, vt ad Rempub. accedant, quàm vt illam indignis petentibus concedas. Cum ergo homines ebriosi, effeminati, atque degeneres abs te aliquos honores petiuerint, responde illis; honores regni abs te deberi viris veracibus, fortibus, atq; temperantibus, qui & vera dicere, & fortiter agere, & sobriè norunt viuere; quales cum neque adultores, neq;

Virtutis vegetatio.

Pecunia cœca

*Qui honore
indigni.*

neq; effeminati, neq; ebriofii sint; dic non honore illos dignos esse, sed poena. Quod cum feceris, virtus tum in Polonia crescet, algebit vitium, improbitas etiam ipsa desperatione frangetur, atq; infamia: tu etiam ad te amandum, inuitabis hoc modo optimum & praestantissimum quemq;, cum te fidelem dispensatorem opum regni viderimus esse, & cum te vti, non abuti copijs publicis hoc isto pacto cognouerimus. Iam illa altera pars iustitiae, quae legibus continetur, facilius tibi ad absoluendum erit, si priorem illam diligentius tractaueris: hanc enim secundam iustitiae partem, putare debes in tua Reipub. quasi medicinam quandam esse sanandorum vitiorum regni tui. Debes tu quidem curare, vt sanum semper praestes Reipub. corpus; in hoc enim summa laus, vt medici, ita ipsius Regis est. Sed tamen, si quae regni tui partes aliquo vitio aliquando laborauerint, illas tu legibus cures aequaliter, idemque facias, quod medici solent, qui in curando non cogitant, sitne diues an pauper, dominus an seruus, ciuis an peregrinus, is quem curant; satis enim illis in medendo est, scire hunc aegrotum esse, hocq;, vel illo affectum morbo; nihilq; praeterea. Sic tu ad horum modum tolle in iudicando omnem personarum respectum. Interfit sane aliquid inter hominum ipsorum

Iustitia discrimen non agnoscit personarum.

ipsorum dignitatem, sed inter reorum errata nihil omnino interfit. Quod si quid tu inter haec interesse vuleris, etsi personam in iudicio acceperis; nunquam hanc Reipub. hac ista iniustitia quasi morbo quodam liberabis: quarelae etiam istae, in quibus viuis, & quas exaudis, nunquam conticescent, quae non aliunde sunt ortae, quam quod ante hac in iudicio valebat authoritas, valebat conditio, valebat ipsius personae respectus: vis etiam saepe valebat, atq; metus: is in iudicio vincebat, qui aut ipse potens erat, aut aduocatum potentem habebat: ita ex hac inaequali iudicandi ratione, nata est ista intolerabilis quorundam potentia; quae cum in iudicio, in compromisso, in sequestro, in arbitrio sola regnaret, ius omne in hoc regno oppressit: pro vnoque Rege, multos Reges nobis peperit; qui nostris rebus vtuntur vt volunt, iudicant vt volunt, quibus liberi non videmur esse. atq; ita in prouincijs miseri afflictique; ab his sumus, ac si nullus in Polonia omnino Rex esset vindex maleficij, patronus autem libertatis nostrae communis. Attolle oculos Auguste & vide, excuteq; praefecturas regni tui diligenter, in multis nihil reperies, praeter crudelissimum quorundam dominatum, qui cunctas subditorum tuorum res, ad lucrum praedamque suam reuocarunt;

*Multi Reges
in regno.*

Quarelae.

Laioli

equid.

immunitates sustulerunt, libertates opprefferunt, leges violauerunt, calumnias exquisitas iuribus apposuerunt nostris, causidicos contra nos comparauerunt: quorum fraude ac fallacijs inuerterunt ius, contorserunt leges, falsauerunt acta publica, confingunt perlucra, bonis pellunt, regno proscribunt quem volunt, quando volunt, & quomodo volunt. Quid ergo nunc illa minora, non ferenda tamen commemorem? abactiones pecorum, excidium sylvarum, caedes gregum armentorum reliquumque pecoris, quodcunq; nacti sunt, rapiuntur coloni nostri, diripiuntur villae, vectigalia vetita exiguntur, minae postremo neq; raro interponuntur. Ita imago nulla in Polonia ab his relicta est veteris libertatis. Haec tanta atq; postrema regni tui mala, sunt orta ex inaequalitate iudiciorum ipsorum. In quibus dum dignitate quidam se tuentur, non innocentia, potentia ista creuit, quae non solum tenuioribus intolerabilis est, sed etiam tibi ipsi, nisi prouides, formidabilis. Quid enim tu contra hos poteris? qui, si non alia re, ipso tamen aduitalitatis iure, non tuas sed suas prouincias esse dicunt, & penè hereditarias, in quibus illi regnant ita, vt Regis ratio in prouincijs prorsus nulla sit: tantum enim iam profecerunt, vt prouinciales homines, consuefacerint omnia

Iudicia.

Capitanei.

omnia à se, nihil autem à te sperare: sibi omnia, tibi nihil tribuere: se timeri, tui autem nullam rationem haberi. Ita illud dulce Regij praesidij nomen, quod apud maiores nostros summum contra iniuriam fuit, totum sublatum est: exitiale siquidem illud iam est factum, quod salutare olim fuit. Si quis praefecto rapienti, spoliante, ac postremo intentanti obijciat illud, SCIET HOC REX, DICAM HOC REGI, CONQVAERAR REGI, nimium acerba ac funesta haec mihi redditur vox; conduplicatur enim calamitas: geminantur mala omnia: & nisi procidens veniam pro hac ista voce missa petat; non villa tantum, neq; silua, sed patria ipsa vitaeque est mihi deferenda. Tantum nobis obest Regiae potestatis tuae appellatio; vt nulla res apud praefectos nobis obsit magis: ita, quod oppressis solatio debuit esse, exitio iam est facta. Quare eò miseriarum iam venimus, vt si in nonnullis prouincijs, quempiam casu requiras, cuius nam sit; paucos reperies, qui se Regium esse dicat: pro se enim quisq; certatim respondebit, se huius, vel illius praefecti esse; tuum autem qui se esse dicat, reperies planè neminem. At haec misera responsio non beneuolentia aliqua, aut beneficio à nobis exprimitur, sed vi ac metu, atq; crudelissimo rerum omnium cruciatu. Quamobrem huius tanta

ac tam

ac tam foedæ postremæq; seruitutis, sit aliquando, vel te Rege Auguste, finis aliquis: satis diu iam miseri fuimus: satis seruiuimus: satis omnibus iniurijs oppressi sumus: liceat iam tandem respirare aliquando: liceat tibi soli parere, ac æqualiter cum omnibus æquo iure viuere; quod tùm fiet, cùm non tantùm titulum, sed vim quoq; & potestatem tuam Regiam ex æquo omnes in prouincijs fuerimus experti. Quod si feceris, cessabit hic communis luctus: cessabunt quærelæ: cessabunt etiam illa miserorum vota, Turcæ dominatum præoptantium. Compesce igitur hos, qui in iudicijs regnare, ac in comitijs soli omnia posse volunt; quiq; conuentus ipsos particulares, nuncios terrarum, iudices, subiudices, notarios, succamerarios, ac commissarios, ad opprimendum nos, ad infirmandas leges, ad euertenda iudicia, ad constabiliendam postremò potentiam suam composuerunt atq; instruxerunt; vt hoc modo soli omnia in hoc regno possint, vtq; tu præ illis quiduis potius, quàm Rex esse videaris. Quod si tu hoc loco à me requiras, quodnam remedium hisce tot incommodis afferre queas; dicam, quod sentio. Regum in Polonia veterum sapientia mihi vehementer probatur, qui certo tempore anni, omnes prouincias huius regni obibant, id quod

Libertas tantum iactata.

Prouincia regni visenda.

liquet

liquet ex his adhuc, quos officiales terrarum vocamus, quorum nomina retinuimus, rem autem ipsam summo cum detrimento regni amisimus. Sunt enim singulis in prouincijs vt scis, succamerarij primùm, præfecti cubiculi Regij, sunt dapiferi mensæ ministri, sunt venatores, sunt etiam iudices ipsi, quasi quidam syndici Regis, prouinciali iudicio præsidentes: quos apparet in singulis prouincijs ideo fuisse olim institutos; vt venienti anniuersario tempore in prouinciam Regi, præstò adessent. Repete Auguste Rex vetus atq; adeò patrium exemplum: nusquam domicilium vitæ certo in loco ponas: versare vbiq;: notus fias vbiq;: confer te ad omnes regni tui partes: lustra prouincias: audi quærimonias: puni fontes: oppressos libera: sitq; apud te præfecturæ legitima adimendæ aduitalitatis causa, oppressio miserorum atq; calamitatis. Quod cùm feceris, solus hoc pacto eris in Polonia Rex: solus tutor & patronus omnium: honoremq; tuum Regiû alijs non dabis, neq; cum vllò subditorum tuorum hoc pacto illû communicabis. Nos etiam ipsi, tum demum desperare desinemus, cùm auxilium tuum præsens, quasi numen quoddam nobis adesse senserimus: quæremur enim te præsentem liberè: expostulabimus liberè: contendemus etiam cum præfectis

I

te disce-

te disceptatore liberè. Nunc verò, quia longissimè à nobis abes, raroq; nos inuisas; prædæ atq; directioni præfectorum expositi sumus, ac in misera quærelarum tempestate assiduè viuimus. Hoc igitur tu ante omnia facies. Deinde cura, ne quis senatorum causam in senatu agat alicuius, quod is tecum pro rata parte, quodam modo communis sit huius regni iudex. Iam verò in dicenda sententia, cura, ne quis senatorum dicat illum amicum, hunc verò seruum suum esse. Quid enim potest dici aut fingi indignius, quàm necessitudinem prætexere iniuriæ, aut te communi omnium domino audiente, seruum quempiam subditorum tuorum à quopiam in iudicio tuo appellari? Quare ut hic error tollatur, fac idem in Polonia, quod te aliquando in Litvania fecisse fama est: cum enim in Litvanico senatu (ut dicitur) diceret quidam reum quendam necessarium suum esse, ut ne is propterea suo loco rogaretur, sententiã vetuisti. commemorabile hoc sanè exemplum est, & ad commendationem tuæ iustitiæ longè omnium maximum: quod ut in Polonia quoque repetas, abs te petimus. Quare te rogamus, atque obsecramus per fidem tuam, per hanc inuictam dexteram, per tuum iusiurandum, quod ex æquo omnibus abs te datum, quasi pignus quoddam auxiliij Re-

Amicitie rationem iudicij nõ ferendam.

Egregiũ Augusti factum.

lij Regij nobis est; ut nos hoc pacto spoliatos, euerfos, ac collapsos erigas, reficias, atq; restituas, nobisq; afflictis manum hanc tuam tot seculis speratam atq; exoptatam, aliquando porrigas, nosq; ex his tantis malis eximas. Quod si feceris, dabit tibi Deus tanquam alteri Salomoni ad iudicandum cor sapiens, ut magna iustitiæ opinione ac laude sis apud omnes: hoc isto modo præsertim, si ad hanc iustitiam ciuilem, diuinam quoq; iustitiam adhibueris, quæ pietas in Deum est. De qua dicam breuiter. Neq; enim speres aliquid te in hoc regno boni posse efficere, nisi habueris oculos mentis tuæ illuminatos diuino illo lumine, sine quo, ut verè canitur, nihil est in homine, quod ut menti tuæ luceat; cura, ut illud lumen semitarum nostrarum, quod est verbum Dei, purum ac integrum tradatur, audiatur, atq; in regno tuo exerceatur. quod sanè fieri nequit, nisi hoc istud verbum exemeris è tetro quodam atq; fœdo rerum abusu: in lucemq; è tenebris ac in conspectum regni tui produxeris, opera eorũ fidelium hominum, qui possint etiam alios docere: qui cum lucernæ quædam istius verbi Dei sint, cauebis diligenter, ne cui nebuloni rudi, ac plane nepoti, mandes sacerdotia, quæ tantò ampliora erunt, quantò maior in deligendis ad ea sacerdotibus cura abs te

Salomonis sapientia.

Sacerdotia perditis neganda.

abs te adhibebitur. Nemini apud te in his adipi-
scendis suffragetur genus: nemini preces: nulli pe-
cunia: noli pati, ut Episcopatus ipse, sit apud te adu-
lationis præmium, & præbenda assentationis mer-
ces: noli audire illas nefarias orantium pro aliquo
preces: HIC TANTVM MAIESTATI TVAE
SERVIVIT, TANTVM SVDAVIT, TANTVM EX-
PENDIT, DENIQVE TANTVM DAT, TAN-
TVM PROMITTIT. An tu putas qui hac via ad Ec-
clesiam Dei obrepunt, posse illos in Ecclesia aliquid
boni efficere? Cœci isti sunt, mihi crede, ac crucis
Christi inimici, furoreque ac amentia in Ecclesia Dei
feruntur præcipites: ex his Hypocrisis nata est, præ-
stigiæ item verbi Dei ac fallatiæ: ab his opprimitur
Euangelium, ac Christus ipse ex multorum cordi-
bus funditus tollitur. Nec mirum: non enim zelo
charitatis fraternæ, non pietatis propagandæ stu-
dio impulsæ sacerdotes sunt hi facti; sed ut, aut lacu-
nam rei familiaris expleant, aut fratres inopes iu-
uent, aut ut dominantur, aut omninò ut otiosi sint,
nihilque in omni vita agant. Quare cum isti quæstum
putant esse pietatem, non tantum non præferunt
lumen errantibus, doctrinam imperitis, spem despe-
ratis istis; sed illam extinguunt, delent, ac radicibus
omnem ex animis euellunt hominum: Fur enim
Christo

Incommoda
Ecclesiæ vn-
de.

Christo teste, odit lucem, quòd vereatur, ne lumine
verbi Dei illato, furta illius coarguantur: idcirco
isti ut lateant, inuoluunt se in tegumento ouium ipsi-
us simulationis, personamque sibi sumunt veteris san-
ctitatis, cum tamen intrinsecus, nequissimi sunt om-
nes, lupique rapacissimi: qui hoc solum curant, ne
plebs verbo Dei admonita, ipsos in ouium veste lu-
pos esse agnoscat, illosque relinquat, quæstumque huic
pecori, quasi pabulum ac glandem adimat. Quod
ne fiat, coniurauerunt isti mihi crede, in verbum
Dei, atque in illius veros & legitimos professores:
qui, ne in Ecclesia vlli sint, vides, quàm illorum iam
exarserit furor. Qui, ne tantum possint, quantum
velle videantur; suscipies tu causam pro tua rata
parte ipsius Ecclesiæ: ad exemplumque Ezechie Re-
gis confringes hunc istum æneum serpentem, hoc
est, quæstuosam quorundam religionem: per pro-
uincias etiam Episcopos institues, non eblandito,
neque e mentito, sed legitimo atque pio suffragio, qui-
bus adiunges eadem censura Canonicos, non hos
togatos, aut palliatis aulicos, sed illos, quos cogno-
ueris omnium iudicio esse probatos. Quod si fece-
ris, liberabis regnum tuum, religionum nouarum me-
tu: nullas hæreses metues, ac nullam ipsius religio-
nis conuersionem pertimesces; nihil enim est san-
ctius ve-

Abusus.

Ezechie
zelus.

Veri sacerdo-
tes.

Atius vero Sacerdote, nihil amabilius, nihil etiam ad imitandum vulgò propositum magis; quales cum nacta fuerit plebs, ad illorum præscriptum viuet, pacemq; ac tranquillitatem tuebitur. Tales ergo vt sacerdotes regnum tuum habeat; maxima parte in te est situm, quos tu ipse in summa veneratione habebis. Inprimis autem Episcopos ipsos, quos vicarios Christi, & patres regni tui, ac clauigeros æternæ vitæ existimare debes, tantæq; dignitatis atq; præstantiæ; vt tua Regia dignitas, cum Episcoporum maiestate, nulla ex parte sit conferenda: quod si est, vti certè est, summo studio curabis, ne qua in re huc istum sacerdotalem ordinem offendas, neue illum conturbes. Et quoniam me tibi fidelem subditum esse semel sum professus, addam etiam illud, teq; liberius, clementia confisus tua, hoc in loco admonbo: nempe vt illam abominationem, quam Regum pestis assentatio in Poloniã introduxit, tollas quàm primum de medio, quæ illa summa est, ac detestanda: Cùm Episcopus vestibus sacris indutus, ac illa redimitus infula, tum etiam sacrificans, ac Christum dominum ad aram repræsentans, tibi venerabundus procidit ad pedes cum turribulo, cruce, ac libro Euangelico; quomodo hanc tam horribilem faciem huius tantæ venerationis sustinere potes o Rex?

Pilatum

Episcopi sacrificantes.

Pilatumné te an Herodem impium vis existimari, illo horrendo Christi Dei tui obsequio? cur autem tu vice hac conuersa, non eum honorem potius habes Episcopis? præsertim cùm subiectus illis sis, eumq; honorem Episcopo debeas; nonnulla tua cum venia, tanquam subiectus præposito, filius patri, homo autem Deo Christo & domino tuo, quem totû Episcopus sacrificans exprimit illis vestibus, illis infulis, deniq; illa totius sacrificij actione. At non patitur, inquires, Maiestas mea, vt me ita submittam. Multò minus illorum fert Auguste Rex, si veritatem ad rationem reuoces. At ferunt, inquires, hoc Episcopi. Ferunt Auguste, fateor, & magno quidem cum suo & Ecclesiæ dedecore ferunt; quia id quod sunt, se esse aut nesciunt, aut non sentiunt: molesti etiam tibi quidam illorum esse nolunt; ne quid fortè, aut de spe, aut de ambitione apud te perdant. Ioannes quidam Lubrantius, cuius multa dicta atq; facta in Polonia feruntur, quendam Episcopum palàm reprehendisse dicitur, cùm is Episcoporum primus in Polonia, hoc isto nouo more ad pedes patri tuo prociderit cum turribulo sacrificans. Hic tum Lubrantius, vt erat concitator, indignam, ait, rem in Poloniã inducis Episcopo. Tibi quidem, inquit ille, ita credo videri, quòd Posnanien. Episcopus iam

pus iam sis. At ego ne diutius Præmissiæ. sim, hac ista noua via hodie efficiam. Ita Episcopus ille, quæ via Præmissia exiuit, eadem nouum hoc uenerationis dedecus in Poloniam introduxit. cuius exemplum causa peccandi tibi non debet esse: maiusque pondus apud te habeat prisca illa ueterum pontificum autoritas, quàm ista huius Episcopi noua. Imitare hac in re Carolum Quintum, Cæsarem, diuinum hominem, qui in pontificis Romani sacrificio minister summa ueneratione sæpè fuit: porrò tu in tuo regno idem es, quod Cæsar in suo imperio: Episcopus uerò in Polonia, idem est, quod Pontifex Romæ. Quare si Pontifex ipse nunquam Cæsarem illo modo ueneratur, nec Episcopus quoque te Regem debet uenerari; paria enim hæc sunt, unius & eiusdem ordinis; ut quantò Cæsar à Pontifice superetur, tantò quoque tu ab Episcopo superare: & quod Cæsar Romæ tribuit Pontifici, hoc idem tu in Polonia tribuere debes Antistiti: & quod Pontifex non debet Cæsari, nec tibi Antistes debet Regi. quo sane argumento honestè, ac piè, hanc idolomaniam, repudiabis abs te: quotiesque sacro interfueris, semper autem interesse debebis, toties te non Regem, sed priuatum hominem, eumque peccatorem adesse illi sacro existimare debes. Et aut parem cæteris qui aderunt,

Caroli V. exemplum.

aderunt, aut etiam multis, immò uerò omnibus inferiorum, ut ille diuinus honor ab Episcopo tibi homini peccatori non debeat tum exhiberi: sacro uerò peracto, cum ad tuum opus Regium redieris; tum sane Rex esto: sume gladium, quem tibi Deus dedit ad uindictam malorum, laudem autem bonorum. In Ecclesia uerò nihil minus esto quàm Rex, Episcoporum quodammodo ibi regnum est; tu autem non sacrorum sed Reipub. ipsius Rex esto: quam Rempub. cum sapienter, iuste, pièque domi administraueris, eam quoque ut tutam foris præstes, curabis: deque operam, ne nos poeniteat infirmitati diffisos nostræ adiumenta fortitudinis tuæ quæsiisse. Cum enim undique hostibus circumsepti essemus, ut ab his tuti simus, te custodem atque ducem requisuimus; ut te agente & vigilante solo pro omnibus, salui essemus. Quare, sis tu sapiens Rex, sis iustus, etiam licet; tamen si te imbellem esse cognouerimus, nihil habentem neruorum ac uirium; nihil tibi proderint apud nos cætera, quantumuis ea in te fuerint magna & præclara. Hæc enim ista, de qua loquor, fortitudo propriè uirtus dicitur, quod sola plane uiros efficiat: qua qui Reges carent, imbelles, atque effeminati dicuntur, abiectique; & qui ex contumelia

Regis imperium ubi.

Respub. foris tuta reddenda.

K

nomen

nomē traxerunt, Sardanapali vocitātur. Fuisse enim ferunt Sardanapalū Phrygem perditæ nequitia Regem: quem cum miles Assyrius quidam inter foeminas nentē deprehendisset, illū interemit; indignum ratus, Assyrios viros fortes subijci foeminae. & meritò quidem: nam qui regnare vult, opus illi est ante omnia, animo magno atq; excelso, qui hæc humana inferiora ducat esse dignitate sua Regia: qui inhonesta non solūm hæc summa, sed etiam ista minima magnopere fugiat, honesta contrā appetat, ac illa etiam morte, si opus sit emat: dignitati seruiat: emolumenta publica curet: ac regnū vita propria charius habeat. Hoc animo conuenit esse Reges: hoc qui carent, Sardanapali sunt, hoc est, miseri atque contempti Reges: qualis Miesco in Polonia olim fuisse memoratur. qui cum à patre Boleslao Chabri clarissimo ac fortissimo viro regnum Poloniae opulentissimum copiosissimumq; accepisset, illud Richsæ vxoris libidine inertiaq; sua dissipauit. Qui vt cōtemptus in Polonia vixit, ita etiam infamis ob nequitiam obijt. Prætereo Ludouicos, taceo multos alios, qui præter ipsum nomen Regium, nihil habebant Rege dignū: nec propter aliud, nisi quòd & animo deficiebantur, & studio ad regnandum apto. quorum casus & infamia te admoneat, vt ijs spretis

tibi

Sardanapalus.

Miesco ignarus.

tibi ad imitandum proponas Boleslaos illos veteres, Vladislaos item, atq; Casimiros auos tuos, & inprimis Sigisnundum patrem tuum, qui in Polonia optimi Reges ac fortissimi viri fuerunt, ad quorum exemplum adolescentiam tuam exerce. Et vt illam ex otio in negotium regni tui transferas; laudem & gloriam tibi proponas: ad quam, infamia aliorum te exhortetur: viuas in labore: ibiq; assiduè versare, vbi metus adest aliquis, qui tibi somnum adimat, qui te excitet ac vexet quotidie, tibiq; molestus semper sit; vt is tuo secum conuictu, voluptatem venenum adolescentia tuae abs te pellat, teq; doceat, quomodo oportet, & vbi oportet, & cum quibus oportet Regem viuere. Hoc eodem monitore atq; magistro, animus ipse tuus erigetur, in omnesque partes tanquam arcus intendetur, vt acrius sentiat, celerius occurrat, venientiaq; mala paratius excipiat. Hic idem te laudis cupidum, prouidum, ac animosum spe bona imbuat, neque de salute regni in periculis vnquam te desperare sinat; omnia enim in metu experiri videbis, vt nihil eorum omnium quæ obsint, quæuè tibi profint ignores. qua ex re nascetur tibi, domi fides, foris verò summa authoritas: putabunt enim tui hostes, rem sibi esse cum viro strenuo, perito, animoso, atq; spe optima pleno, non

Exempla regum bonorū.

Strenuus & ex hystem terris

*Virtus Regis
hosti formi-
dabilis.*

cum ignauo, imperito, degenerere atq; stolido. Quæ opinio non minus tibi apud omnes proderit, quam profunt arma tormentaq; bellica. noli enim putare, hostem alia re vlla animosum magis in pugna reddi, quam opinione speratæ victoriæ, quæ tota ducitur ex aduersarij aut indignitate, aut infirmitate. Quis enim vigilans se non putat vincere posse dormientem? aut quis sobrius ebrium? prouidus negligentem? deniq; paratus imparatum, se non putat opprimere? Instat enim audens virtus vitio, ibique illa exultat magis, vbi vitium plus videt valere. Quare vt in te omnia, quæ ad fortitudinis opinionem attinent non solum excellant, sed etiam alijs excellere videantur; confer iam te nunc, ad eas regni partes, quæ magis hostem metuunt. Inprimis autem in Russiam ipsam abi, quæ multis hostibus, ijsq; assiduis est exposita: obi hanc prouinciam, Auguste: recognosce illius munitiones: infirma illius considera: præsidij etiam firmis muni: fac nobis fidem, te eum Regem fore, qui Scythas, Valachos, atque Turcas poteris ab ea prouincia prohibere. Hoc ede specimen iam nunc Auguste Rex, nosque *Russia.* non Vilnæ, neque Cracouiæ, sed in Russiâ doce, quantum confidere de tua virtute debeamus. Sint illæ vrbes receptacula sacerdotum & mercatorum, non

non virtutis neque militiæ tuæ. Otius ergo hinc in Russiam confer te: viri fortes comitabuntur te: galeæ, non infames illæ Mascharæ, te sequentur: denique milites ac Equites illi Poloni (non hystriones neq; mimi) tecum in Russiâ viuent: quorum fremitum cum ex Camenetio, aut Bratislauiio, aut Kiouio vicina exaudierit Scythia, Valachia item atq; Turcia, dicet perculsa metu: Hui, tam citò! Rex nouus hinc certè adest: certè vigilat: ac malum machinatur nobis. Quod si tu alias res ages, choreisq; puellarum Vilnæ, aut mascharis Cracouiæ occupatus fueris; & tuis risui, & hostibus contemptui eris: vastabunt, incendunt, prædas agent impunè: tum etiam, vt hominum genus est dicax, ac contumeliosum Scythæ, repetent scæpius illud insultando, Dietko, Korol nesperdit. quod ne fiat, intermissis omnibus rebus in Russiam abi quamprimùm: idemque facias, quod in noua villa boni patres familiâs faciunt; qui mox vt sunt nacti, obeunt villam, singula in ea inspiciunt, cum villico deliberant, hocq; & illud opus exercendum parant. Idem & tu facies, vt sepulto mox patre, comitijs etiam absolutis, regnum obeas: periculosiores illius partes inspicias: centuriones recognoscas: exercitus lustres: præsidia col-
loca: totumque opus belli diligenter pertractes.

*Strenuus Rex
hostem terret*

*O pueri, Rex
iste excors &
ignauus.*

*Exercitus lu-
strandus.*

Quod si feceris, dici non potest, quàm amabilis tu-
is, quàm verò formidabilis hostibus, hoc isto modo
fueris: Cyrus alter, atq; Agesilaus, ac ipse Alexan-
der Macedo, omnibus tam domi quàm foris esse vi-
debère. Atqui ego prolixius, quàm institueram, hæc
ad te ideo scribo, quod te in Litvaniam rediturum
mox comitijs absolutis, rumor est. Quod ne facias, te
per dignitatem tuam Regiam, quæ tibi esse charis-
sima debet, oro obtestorq;. Nam si tam citò ac vix
salutatus Rex à nobis Vilnam redieris, pessimè (pa-
ce tua dicam) existimationi tuæ apud omnes con-
sules: dicemus, euntemq; talibus vocibus perseque-
mur: O Cyre noster, tam ne citò hinc? cur vitas ocu-
los? cur fugis lucem? aut illud: Hoc est Regem esse?
aut, hic si sciret, quid sit Rex, in Litvaniam ne iam
rediret. Quod ne accidat, acquiesce nunc precibus
meis, & abiecto Vilnæ desiderio, mox te ostende in
armis, Rufsisiq; te ad videndum & pertractandum
præbe. Hostes etiam tuos perterrefacias aduentu
subito in Rufsiam tuo; ita vt omnis illa lues Asiati-
ca, sciat te vigilantem Regem nobis datum esse, ac
regni huius fidum custodem. Verùm hæc nos fru-
stra te monemus, ac præscribimus tibi omnia, nisi tu
habueris domitas cupiditates tuas; quæ cum inua-
luerint, omnem sensum humanitatis virtutisq; è no-
bis tol-

Russorū qua-
rele.

bis tollunt. Quemadmodum enim quidam morbo
aliquo, & sensus stupore, suauitatem cibi non senti-
unt; sic cupiditas libidinosa atque præceps, stupi-
dam adolescentiam reddit, iniustam, atq; mollem: *Libido Regi
fugienda.*
occludit illi oculos, ne pernitiem suam vdeat: aures
etiam illi obturat, ne verba salutaria audiat: solius
veneris contactum illi inculcat; ad cuius vsum, cun-
cta visa, audita, odorata, ac gustata vertit: qua vt li-
berius perfruatur, iuuenilis ætas, pudorem illi antè
omnia soluit, cum quo virtus vna perit, omnisq; re-
rum honestarum cura, cuius rei illud triste quidem
exemplum, sed ad cauendum apprimè Regibus v-
tile à Poëta describitur hisce versibus:

*Non ceptæ assurgunt turres, non arma iuuentus
Exercet, portusue aut propugnacula bello
Tuta parant, pendent opera interrupta minæq;
Murorum ingentes, æquataq; machina cælo.*

Vides vt Dido illa infelix, nouam cui condere
Iupiter urbem dederat, libidine quasi peste corre-
pta quadam, omnia negotia Reipub. intermiserit.
Sic illi extorserat libido è manibus totum opus re-
gni: torporem verò, atq; rerum neglectum inge-
ferat. Fugit enim laborem libido, corporique par-
cens, soli Veneri illud seruat illibatum. Et cum to-
tum ho-

tum hominem libido occuparit, ita illum miserum facit, ut illum alieno corpori, tanquam Prometheum Caucaſo affixum reddat, ut non amplius iuris ſit ſui: facitq; ut in alieno corpore viuat, ab illo circumagatur, hucq; atq; illuc miſerandum in modum circumferatur. Illam enim quam amat, ut idem bonus canit Poëta,

Absens abſentem auditq; videtq;.

Amantes miſeri.

Ita omnis libidinoſi animus miſer eſt, ut alienum ſemper intueatur corpus, negligat verò ſuum, ſeque ipſum indigniſſimè profundat: nihil magni, neque quod homine ſit dignum, homo libidini additus, cogitat: non dignitatis illi cura eſt, non publicæ utilitatis: immerſusq; in hoc cœno, aſper ſibi ipſi eſt, inhumanus, ſæuusq; adeuntibus, qui alieno arbitrio viuens, ut ſuauius infaniat, adhibet conuiuium, potat, nudus ſaltat: & ut omnem faciem deponat honeſtatis, incedit maſcharatus. Atqui hæc ſunt incubula Neroniana Auguſte Rex: ab his ille initijs profectus, ad euertendum imperium Romanum acceſſerat. Cùm enim media in libidine ipſius arderet furor, vinumq; quaſi oleum furori ille ſuppeditaret, quod flagitium ille in ſe non admittit? quo ſcelere Romam non confecit? quos homines non occidit? leges non euertit? quam pudicitiam, quam religionem

religionem ex vrbe non eiecit? At illud monſtrum conflatum erat ex libidine, quæ temulentiam peperit, hæc verò iracundiam. ita Nero cùm in humana forma quaſi tres quaſdam immanes beluas geſtaret, nempe libidinem, temulentiam atq; furorem; quem illius hominis motum, quam agitationem, quos ad maleficiũ impetus fuiſſe cenſes? propone tibi animo: ſi quis in cutem humanam inſueret hæc tria efferã animalia ſimul, Aprum, Vrfum, & Leonem, quæ ſpecies quaſo illius cutis eſſet? quæ agitatio? nã tu malles talem cutim, cùm iactationem ipſius ac rugitũ horribilem videres, cœlo potius quàm ex aliquo loco vicino aſpicere. Cuiuſmodi cùm Nero eſſet, Romanum quidem deuorauit imperium, ſed tamen poſtea ipſe ſe vltus eſt: ipſe enim ſe poſtea interemit, ſerasq; licet, debitas tamen poenas Reipub. perſoluit. Hunc exitum habuit illius libido, quæ incitata vinolentia ac furore incenſa, poſt crudelem matris cædem, in tartara præceps abiit. Ergo huius exemplo tu cautius viues, memorq; ſis, nullum Regem malum eſſe natura, ſed conſuetudine effici. Qui enim Rex ſe cupiditate primum obſtrinxit praua, deinde potat aſſiduè, poſtea autem furit, ut hodie ita & cras; certò certius ſcito, hunc Tyrannum fore nequiſſimum, Neroniq; ſimilimum.

Nero qualis.

milimum. Proinde in hac tua iuuenili ætate, præcepto Diui Pauli, fuge libidinem; vt hac liberatus, facilius temperatè, mansuetèq; viuas: in eoq; plus ætate, virtus tua, Regiaq; dignitas apud te possit. Quo autem alio cupiditatem libidinemq; ineuntis ætatis tuæ coërceas, quàm eo, quod præcepit Apostolica vox: Vnusquisq; inquit, propter fornicationem habeat vxorem suam. Vxorem ergo ducas, quæ ferocem adolescentiam tuam, suaq; sponte in libidinem procliuem, in officio contineat. Vxor ergo ipsa sit modus atq; finis eius cupiditatis, quam natura tibi ad procreandum largita est: sine qua, vxore inquam, adolescentum vita, soluta, vaga, incerta, impudica, infamisq; est. Quare cum absque vxore te continenter, sobriè, ac mansuete viuere non posse cernas; summa cura hanc tibi confestim deliges, cum qua ætatem benè ac pudicè exigas. Et quoniam tu duas personas sustines; alteram priuati hominis, alteram Regis; meminisse debes inducenda vxore, te hæc duo spectare oportere. Primum est, vt tibi ducas vxorem, cum qua tu cubes: Secundum est, vt habeas Reginam, cum qua nobis regnes. quòd si ex matrimonio tuo alterum horum defuerit; imperfectum illud erit, minimeq; probabile. noli enim putare, eandem esse rationem nubendi Re-

Remediū libidinis vxor.

Vxor Regia qualis.

di Regum ipsorum, quæ est priuatorum hominum: homo enim priuatus ipse sibi ducit vxorem, in eoq; tam bonum quàm malum illius solius est qui duxit, nullius præterea alterius; sat tamen benè duxit, si honestam morigeramq; duxit. At Regum alia ratio est: neq; enim est curandum tantum Regi, vt vxorem bene moratam morigeramq; ducat; sed vt ea quoq; commodo emolumentoq; sit regno. quæ regnum copijs ditet: noua societate iuuet: pacem populis conciliet: ac dignitatem, authoritatem, & maiestatem regno adferat. quæ non tantum vxor, sed consors, nõ thori solù, sed etiam regni tui sit. Quam etiam ob rem, vt socia regni vxor Regis videatur esse atq; particeps, Regina vetusto more ad instar Regum ipsorum vnguntur, coronantur, ac Reginae Dei gratia appellantur, atq; ita salutantur. dotesq; ipsarum certis in possessionibus ipsius regni assignantur. Talem tu vxorem Ferdinandi Romanorum Regis filiam Auguste duxeras, quæ incredibilem felicitates huic regno videbatur attulisse: famam primò egregiam, morum atq; pudicitia: deinde totius ferè Europæ societatem, ac foedus cum Carolo Cæsare, & Ferdinando Rege: pacem item cum Germaniæ principibus: summâ postremò beneuolentiam multorum hominũ. Quæ quoniam fa-

Commoda coniugij Regi.

to nobis aduerso nuper extincta est, huic tu similem quæras quamprimùm, quæ eadem bona tibi regnoq; tuo afferat, quæ illa attulerat. In eoq; sanè esto diligens. Si enim tu in despondenda tibi vxore rationem tui tantùm habueris, non autem etiam nostri; quanta Rempub. mala sequentur, vide. Primò, illa nobis erit inuisa ingrataq;. Deinde te ipsum odiosum exosumq; nobis reddet. Dolebimus enim te rationes tuas priuatas potiores duxisse commodis nostris publicis. Tum si quod bellum finitimũ, aut si quæ vis externa nobis fuerit molesta; tuum matrimonium accusabimus: de te ipso quæremur, ac dicemus: potuit hoc bellum non accidisse nobis: potuit pax inter nos & finitimos nostros constare, si Cæsaris filiam, aut Ferdinandi, aut illius, aut istius præpotentis Regis, Rex noster vxorem duxisset: nunc verò, cùm is desertam ab amicis duxerit, solifumus relictus. in medio vndiq; angustia sunt nobis: ab Aquilone Moschouia nos premit: ab Oriente Scythia atq; Valachia: à Meridie Turca ex Vngaria: ab Occidente verò Germania etiam nobis est infesta. nusquam auxiliij restat spes: vndiq; nos metus ambit & formido: actũ est: perimus vnus adolescentis culpa. Tum etiã in aurem fidelem alter alteri illud insufurrabimus: Quid? hocnè nos feremus?

vt vni-

vt vnus hominis causa tantum regnum pereat? tot gentes atq; nationes perditum eant? tamque vetus atq; potens Respub. pereat vnus adolescentis libidine? Tales voces erunt in ore nobis, & aliæ multæ consimiles, quas nunc animus meminisse horret; difficile enim est non dicere, cùm doleas. Quod, ne accidat, diligenter prouidebis: senatusq; tui iudicio, vxorem tibi deliges, & tuo cubili, & hoc illustri regno dignam: in eoq; imitabere auum tuum Casimirum, patrem tuum item Sigismundum, qui ductis vxoribus, regnum hoc stabilierunt. Duxerat enim auus tuus vxorem filiam Alberti Archiducis Austriae, qui idem Rex Romanorum fuit: pater autem tuus matrem tuam clarissimam & nobilissimã foeminam, ex veteri Regum Neapolitanorum familia, in matrimonio habuerat. hos sequere potius, quàm Vladislai proauis tui factum deuium, qui magna inuidia ac summa obtrectatione vxorem è suo regno Granovskam viduam duxerat; probam quidem illam & honestam, sed vxorem tamen priuato alicui homini aptiorem, quàm Regi: quæ tamen ipsa duobus annis non plus cum Rege viuens, cum publica totius regni gratulatione, non vncta, neq; coronata, neq; Regina appellata, defuncta fuit. Tantum odium patrum nostrorũ in illas nuptias fuit. In cuius

Exempla.

defunctæ locum, Vladislaus proauiam tuam duxerat Zophiam Ruffiæ ducem. Sume tibi ad imitandum ex proauo tuo, quod honestum Regiumq; in illo fuit: quod verò inhonestum, ac turpe in eo videris; id fuge ipse, atq; repudies, & ne repetas vetera. proxima ista exempla patris & aui tui propone tibi: hos tu sequere: hos imitare: ad illorumq; exemplum duc vxorem Maieftate tua dignam; quæ hisce perturbatissimis temporibus iuuet regnū tuum nouis societatibus atq; amicitijs: pace item ac foederibus illud muniat: & in illo quietem, otium, ac tranquillitatem constituat; vt tu summa hominum beneuolentia, honestissimè, ac sine vlla obtrectatione, in Polonia cum illa regnes; vtq; cum vxore sociæ tuæ adolescentiæ, ac consorte thori tui, diu viuas, fausto feliciq; omine; vt nos ex tuo sacrosancto thoro habeamus duces, principes, atq; Reges, indubitatosq; regni tui hæredes. Talem vxorem cum nactus fueris, tota Polonia venienti se illi obuiam effundet: aduentum gratulabitur: occurremus illi cum canticis & choris, læto præane, nouam sponsam tuam, Reginam autem nostrā consalutantes; quam introducemus in thalamum matris tuæ clarissimæ atq; castissimæ foeminæ, veluti sanctam quandam atq; pudicam Rebeccam in tabernaculum Saræ: vt

tu cum

tu cum illa lætère Dijs hominibusque approbantibus; vtq; ex ea videas filios certos filiorū tuorum, & pacem super Israel. hoc & te facere, & nos optare par est. His tu præceptis Auguste Rex atq; admonitis, temeritatem adolescentiæ vinces: & cum illi hæc ista fræna temperantiæ cotinentiæq; inieceris; faciliorem animū ad res magnas gerendas habebis, qui ibi minimè valet, vbi libido totum occupat. Quæ si nusquam apud te valuerit, facilè nos docebis, ab excellenti eximiaq; tua virtute, progressum ætatis expectari non oportere. Ages ergo in regno viri fortis opera: quodq; ætas negauit, id supplebit virtus tibi. Multorumq; exemplis tibi ad id persuade, qui admodum adolescentes, tantas res gesserunt, vt suum imperium auxerint, nomen ornarint. Et ne infinita persequare: Vnus Alexāder Macedo tibi satis exempli ad res magnas fit, qui ab in-
Alexandri continentia.
 eunte ætate, res maximas gerens, trigesimo tertio anno, mortem obijt: deuictis iam Græcis: domitis Persis: ac tota Asia subacta. ex quo iudicari potest virtutem Regū in rebus gerendis plus posse, quàm ætatem. Verū ad id, in quo fuit Alexander, iisdem tu eas itineribus: fuit enim ille summa temperantia libidinum adolescens, summaq; laborum tolerantia: atq; sub dio exercitationem sibi comparauerat: nunquam

nunquam siccus coenauit: nunquam nisi sudans accubuit: nunquam nisi sitiens à coena surrexit: raro sub tecto, sæpè autem sub dio cubauit: lectulo libero, eoq; militari utebatur; ita, vt ante Babiloniam captam, mulier quid esset, nesciret. ita ille, cum & nocturno & diurno tempore militans viueret, formidabilis hostibus, charus autè suis fuit. Nam cum in re militari hæc duo summa sint, obedientia & perseuerantia; non alio duci fidere milites illi magis, neq; durare, quàm Alexandro poterant: nec iniuria; videbant enim simul sudantem, algentem, ac laborantem Regem: commune gaudium illis fuit cum Rege, aliquo bono parto; communis vicissim dolor illo amisso. Tum verò si quid aduersi accidebat; videbant primùm adesse, vltimum verò abesse in periculo Alexandrum: vigilare: plus metuere: in metu prospicere: res difficiles cõsilio gerere: integritate tueri, virtute verò conficere; vt meritò milites & obedire, & in eo ipso spem habere maximam vellent. Iam verò, quis hoc duce in bellis illis, quæ is gessit, acerrimus non perseuerasset? si enim bellum æstate gerebatur, plus in sole arsit; si in hyeme, plus niue alsit quàm postremi militum. in laboribus item militaribus, in vigilijs, in fame, in siti, vt in exercitu, sic in his quoq; princeps Alexander fuit.

Quod

Quod tum vel inprimis apparuit, cum per deserta Syriæ, aridaq; loca, agmen duceret siti perditum. & cum illi proficiscenti vltro quidam haustum aquæ frigidæ offerret; ille præ se militibus siti iam enectis illud obtulit, reclamante exercitu: Viuas vero, inquit, modo ipse Alexander: nõ deerit tibi hic exercitus: quòd si tu nobis peribis; exercitus hic vnà interibit. Tanta erat perseuerantia militum illorum, vt foedam mortem non recusarent, modò ab Alexandro viuo non discederent. At hæc tanta militum perseuerantia, nõ aliò, vt vides fuit parta, quàm labore ducis; vt mirum iam non sit, Asiam ipsam huic tam excellenti virtuti succubuisse. Contrarijs enim rebus, Alexander aluit virtutem domi, & victoriam quæsiuit foris. Vicit enim Persas opulentos, inopia: Græcos luxoriosos, continentia: Indos desides, vigilantia: Caucasum denique ipsum, deicit siti, labore, atq; inedia. Sic ille obedientia, perseuerantiaq; militum, cum imperium vtroq; Oceano terminasset; non solùm victor orbis terrarum fuit, sed etiam exemplum victoriosis Regibus est factus: quem ego tibi ideo descriptum propono, vt illius exemplo atas te ab his quæ magna concupueris, non deterreat: ex hoc enim Rege, disces regna atque bella à Regibus, animi viribus magis

M

quàm

Victoria Alexandri ratio.

quàm corporis administrari. Tu modò ad exemplum Alexandri, subduc corpus tuum libidini, illudque vt iam dixi in Rusiam transfer, vbi algeas, esurias, ac fitias, ac vbi nò videas formas venustas, non audias cantilenas, non odores vnguenta, non gustes delicata, non tangas impudica; sed ea quæ viri fortis & robusti Regis sunt, assiduè illic videas, tractes, ac in his sis. Ibi tu milites hilares ac tui amantes facies: corpora illorum exercebis, animos parabis onus belli ferre, ac tibi obedire, tecumque durare velle consuefacies. Hostes etiam tui, cum audierint, te hac ista continentia atque militia laude florere, abstinebunt à tuo, atque item nostro: tuumque nomen plus quàm arma metuent: vt ita gloriosus Rex in Polonia regnes, famaque vsque ad sidera notus fias. tu modò sensum huius gloria iam nunc fideliter degustes. Ad eamque hac ista via sapientia, iustitia, fortitudinis, atque continentia contendas, quam tibi hoc in scripto fideliter proposui. Noli quærere purpura aut bysso laudem apud homines: non inutilem potentiam, non inuidiosas opes, non cupiditatem dominandi præcipitem, & lubricam, anteferas veræ, graui, solidæque gloria; quæ illa sit summa apud te ac postrema, vt Poloni natum te sibi atque datum esse Regem gaudeant, utque te charum habeant salutaremque

Quibus rationibus Rex laudem quaerit.

lutaremque Reipub. esse arbitrentur. Cum hac gloria tu nihil comparandum putes: hanc omnibus opibus tuis præfer, vitaque ipsa tueare: quam etiam vt consequaris, omnem vim ingenij, quæ summa est in te, in hac ista meditatione consumes.

Scriptum etiam hoc meum benignè suscipies, *conclusio a-* illudque leges: nec verò requiras ipsius scriptoris *peris.* nomen, sat tibi sit fidelem subditum tibi tuum esse, qui hæc ad te miserit. quòd si tu talibus scriptis lætare, suppeditabit fortasse fides erga te nostra, si nò maiora, vberiora certè quidem quàm hæc sunt: quæ ad te deinceps mittemus: tu interea benè vale, felixque nobis regna.

F I N I S.

Imperator Ricardus esse arbitrarie. Cum haec lo-

itarentur in conspectu eius. Hanc omnibus o-

mnibus transmissis. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura

continebantur. Quae in eadem scriptura



[Faint handwritten text, possibly a marginal note]

